




TAUSAGA 5



FAKASOLŌGA O ULUTALA

Vaega 1: MOSE (CHOSEN DELIVERER)

Ulutala 1: Ko te fanauga o Mose	-	5
: Fakamatalaga Fuaiupu Tauloto	-	6
Ulutala 2: Ko te kalaga o Mose	-	7
: Fakamatalaga Fuaiupu Tauloto	-	8
Ullutala 3 : Mose ko folafola fekau a te Atua	-	9
: Fakamatalaga Fuaiupu Tauloto	-	11
Ulutala 4: Ko lavea ne Mose te mana o te Atua	-	12
: Fakamatalaga Fuaiupu Tauloto	-	13
Ulutala 5: Mose mo tino I loto tai kula	-	14
: Fakamatalaga Fuaiupu Tauloto	-	15
Ulutala 6: Ko muimui tino ki te Atua	-	16
: Fakamatalaga Fuaiupu Tauloto	-	17

Vaega 2: MOSE (THE LAWGIVER)

Ulutala 7 : Ko faipati te Atua I Sinai	-	18
: Fakamatalaga Fuaiupu Tauloto	-	20
Ulutala 8 : Tino ko tapuaki ki nisi atua	-	20
: Fakamatalaga Fuaiupu Tauloto	-	22
Ulutala 9 : Sipai ko Iloilo Kanana	-	23
: Fakamatalaga Fuaiupu Tauloto	-	24
Ulutala 10: Mose ko agasaka ki te Atua	-	25
: Fakamatalaga Fuaiupu Tauloto	-	26
Ulutala 11: Mose ko sisi aka ne ia te gata fiti	-	27
: Fakamatalaga Fuaiupu Tauloto	-	28
Ulutala 12: Ko faipati Mose kia Iesu	-	30
: Fakamatalaga Fuaiupu Tauloto	-	31

Vaega 3: KO TE ULUMANUMALO, MATE, TOETU

Ulutala 13 – Ko ulu manumalo Iesu ki Ielusalema	-	32
Ulutala 14 – Ko te fakasatauloga o Iesu	-	34
Ulutala 15 - Ko te toetu manumalo o Iesu	-	35

Vaega 4: KO TENA FANAU MAI

Mea Akoga mo fakamaina te mataupu:

Flash cards

Video i polokalame a talavou i olotou aso fakamanatu

Fakatomuaga:

Fesili ki tamaliki me e fia a tausaga o tino kae lau a tino ki se talavou; kae fia foki a tausaga o tino e gata ei tena fai mo talavou?

Akoakoga:

Ko fakamalosigina ne te mataupu tenei ke atafai kae alofagina a talavou i te lagona kae fakataua a olotou leo mo manatu; fakatasi mo te atiake a olotou olaga i feitu katoa tau te olaga; kae fakasilisili loa ko olotou olaga faka te agaga. A te talavou ka aoga malosia a tona olaga mo tena kaiga, fenua, malo mo te lotu manafai e ola mafuta mo te Atua i taimi katoa.

Mea fai a Tamaliki:

Fesili mo tali (e fakatoka ne faiakoga a fesili)

Fuaiupu Tauloto:

Failauga 11:9 "Tupulaga tuputupu, ke fakafiafia a otou olaga i a koutou koi tupu aka. Fai te mea e loto koutou ki ei, mo te mea e manako ki ei otou loto. Kae masaua i te Atua e fakamasino ne ia a koutou. amene.

Pese: Give me oil in my lamp io me fili mai te tusi pese**Talosaga:**

Te motou Tamana, e tapu a tou igoa kae ke fai te mea e loto koe ki ei. Fakamanuia ne koe a talavou o Tuvalu kae akoako ne koe ke tausi te fakatuanaki tela ne fakavae ne koe Iesu, amene.

Ulutala 16	–	Ko te folafolaga kia Malia	-	36
Ulutala 17	–	Ko te folafolaga kia Iosefa	-	38
Ulutala 18	–	Ko te folafolaga ki tausi mamoe	-	40
Ulutala 19	–	Ko te fanau mai o Iesu	-	43
Ulutala 20	–	Ko mealofa a tino poto	-	45

Vaega 5: KO ASO FAKAMANATU

Ulutala 21	—	Asotapu o te Talalei	-	48
Ulutala 22	—	Asotapu o `Matua	-	50
Ulutala 23	—	Asotapu o Tamana	-	51
Ulutala 24	—	Asotapu o Talavou	-	53

TUSI AKOGA ASOTAPU MÔ TE TAUSAGA 5
TUSI MÔ FAIAKOGA

Ne fakatokagina a te Tusi Akoga tenei mai loto i te Ulu Ofisa o te Ekalesia Kelisiano Tuvalu i Funafuti mai lalo o te Matagaluega o Talai mo Akoakoga Faka-Kelisiano

A mataupu konei ne fakatoka katoa mai lalo o te akoakoga fakamāsani mô te kalikulamu fou tela ne faigina ne tena `Malu, Faifeau Tokita ko Arun Gopal mai i Initia ki Saute.

Te fakamoemoega maluga ke aogã a te tusi tenei mô tatou faiakoga e fesoasoani mai ki te fakatokaga o `tou mataupu mô te fagaiga o agaga o fanau gasolo o `tou Ekalesia kae maise `tou Atufenua. Te feitu tãua e `se ko te tauloto fua mai loto i te tusi tenei, kae ko te fakaaogaga o te Tusitapu, faitau faka`lei ki ei kae ko fesoasoani atu ei a fakatokãga konei ko te mea ke faka-atili mãina ei a tena Muna.

Fai'tau a te Muna a te Atua. Fai talosaga mô tena Agaga Tapu kae fakalagolago ki tena poto mo tena malosi e mafai ei ne tatou o fakatino a 'tou tusaga tãua konei e tautua atu ei tatou ki te Atua. A te kalagagina o tatou faka-faiakoga e se se kalaga fãtauvã, kae se tiute fakatino o akoako atu a te Muna a te Atua ki ana meaalofa mô te Ekalesia, kola ko fanau gasolo o 'tou Ekalesia. Ke fakamanuia atu a te Atua ki aulua galuega kae maise ko oulua olaga tautua i loto i tena Galuega.

Ke masaua ne koulua faiakoga me tafasili atu a te mafa te taa fakamasinoga ilo niisi (Iakopo 3:1)

Ke fakamanuia atu a te Atua ki aulua galuega kae maise ko oulua olaga tautua i loto i tena Galuega.

ULUTALA 1: KO FANAU MAI MOSE

Fakamatala Flashcard 1:1-6

Pogai: Fesoasoani ki tamaliki ke talitonu ki te Atua mo te lotou pui-puiga mo te lotou tausiga

Tusi Faitau: Esoto 1:1—2:10

Fakatokaga mo Faiakoga:

Te fuainumela o tino Isalaelu i Aikupito kooko loa te tokouke (1:1-7). Ne fakapologa ne Falao a tino Isalaelu ona e matakua manafai e isi se fenua e siki taua kia Aikupito kae kau atu Isalaelu o tau atu kia Aikupito (1:8-14). Ne fakatonu ne Falao a fafine fakafanau Epelu ke tamata tamaliki tagata manafai e fanau mai (1:15-16). Ona me matakua a fafine Epelu konei ki te Atua tela ne tuku loa tamaliki tagata ke ola (1:17-21). Ne fai te fakatonuga a Falao ke ave tamaliki tagata fa-toa fanau mai ki te vaitafe ko te naila ke lemu ke 'mate (1:22). Iokapeta te faine Epelu ne fanau ne ia se tama tagata tela ne funa ne ia ite tolu vaiaso (2:1-2). Iokapeta ne tuku ne ia tena tamaliki i te ato kome kae tuku ne ia ki te vaitafe ko te naila tela a te tuagane o te tamaliki tagata e onoono kiei me sea te mea e tupu (2:3-4). Ne maua gina te tamaliki ne te tamaliki fafine a Falao tela kooko loa I tena alofa

Mea fai a Tamaliki:

Kilokilo fakalei kite ata otou tamana
Tusi ki lalo a mea lei mo mea gali ne fai ne ia mo koe

Fuaiupu Tauloto: 2 Petelu 2:5 "...Noa kote tokovalu o tino ne ulu ki loto ite vaka..." KJV English translation

Pese: Head, Shoulders, Knees and Toes

Talosaga:

Te Aliko, fesoasoani mai kia matou fanau kote mea kote mea kafai matou ko matua ko fai mo tamana ke fai matou mo tamana lei, tamana kola e 'taki ne matou sose tino kite ola ese gatamai.

ULUTALA 24: TE ASO O TALAVOU

Pogai: Ke fakamaina ki tamaliki me i te Aso Fiafia o Talavou e fakamailoga i ei te taua o tupulaga ko te mea ke amanaiagina kae ke fakatauagina.

Tusi Faitau: Failauga 11:9-10:1

Fakatokaga mo Faiakoga:

Te Aso o Talavou e fakamailoga i ei te taua o tupulaga tuputupu o Tuvalu me ko latou konei ko takitaki o kaiga, fenua, malo mo lotu o te aso a taeao. Te aso e fakamasaua ki te lotu tela e masani fai i te vaia so muamua o Aokuso; ako talavou e faitusaga i tapuakiga fakapitoa i te lotu taeao mo te lotu afiafi. E fakasoko ki tau pese i te afiafi mo nisi fakafiafiaga i te Aso Gafua. E isi foki ne akoakoga fakapitoa kola e fakatoka mai ne te Mata-Galuega a Talavou i te Ulu Ofisa o Talavou o te Ekalesia Kelisiano Tuvalu mo fesoasoani ki olaga faka te agaga o talavou. E tokouke a talavou takutakua i te Tusi Tapu e pela mo te tamafine ko Luta mo tamatene ko Tavita i te Feagaiga Mua mo te soko patipole ko Petelu mo tamataene faikimua ko Timoteo i te Feagaiga Fou. A talavou fataua konei ne fai mo tino takutakua i te fakatuanaki ona ko olotou olaga ne fuli ne te talitonu o latou ki a Iesu.

Tusi Faitau: Kenese 6:1—7:24; 2 Petelu 2:5

Fakatokaga mo Faiakoga:

Te Aso o Tamana ne fakatu mo fakamailoga te taua o te tulaga o te Tamana. Te tamana ko ia kote takitaki. Ese gata fua aia se takitaki tela e 'tau o 'taki ne ia ana fanau iluga I tena olaga ke lavea ne fanau, kae ko ia se faiakoga foki te la e fakaakoako ne ia ana fanau kite mea tela e manako kiai te Atua. E uke kii a tusaga ote tamana lei Ite tusi ko 2 Petelu 2:5 e lavea iei ne tatou te tiute ne fai nete tamana e tasi mai iei e 'taki ne ia taua fanau kite ola ese gatamai. I te tusi ko 2 Petelu 2:5. I te tusi ko 2 Petelu 2:5 e lavea iei ne tatou te tiute ne fai nete tamana ko Noa. Ne tala mai me ia Noa kote tokovalu o tino ne ulu ki loto ite vaka io me kote toe tino loa o ulu ki loto ite vaka ko tena uiga ne fai te tiute o te tamana tenei kote mea sose tino ioto I tena kaiga ke sao mai te fakasalaga tela kote lolo. Aia ne seki fakavave ki loto ite vaka ko ia ke sao. Ese taumate e isi se tamaliki se fakalogo, ese fia fano ki loto ite vaka, kae ne seki fakatamala a Noa I ona tiute. E tena te tiute o sose tamana, a ia kote fakasino ala ko ia foki e fakamalosi I sose auala kite mea loa e mafai ne ia kote mea ko sose tino i lalo I tena tausiga e aofia iei ana fanau ke ulu ki loto ite vaka io me ke sao mai te fakasalaga ke maua ne latou ate ola ese gata mai.

Mea Akoga mo fakamaina te mataupu:

Ata ote vaka o Noa
Ata o Iesu

Fakatomuaga:

Fesili ki tamaliki me sea te mealofa a ia ki tena tamana kite aso o tamana.

Akoakoga:

Ko akoako mai nete muna ate Atua me ia taua tamana ko takitaki iloto I kaiga tela se tiute o koe kite fakamalosiiga ki sose tino iloto ite kaiga ke iloa ne ia Iesu tela e maua ai te ola (Ioane 14:6). Ite taimi o Noa kote lolo te fakasalaga ka kote auala e sao iei te tino kote vaka, taimi nei kote afi te fakasalaga ka kote auala e sao iei ko Iesu Keliso manafai koe e talitonu kae talia ne koe aia.

kiei. I te fautuaga a Miliama, ki te tama fafine a te tupu tela ne tukugina ne te pulinise a Iokapeta tela ko te matua o Mose ke tausi ne ia (2:7-9).

Mea akoga mo fakamaina iei te mataupu:

Flashcard 1:1-6

Fakatomuaga:

Kai isi aka loa se lagona kai oko atu me seai loa se tino e alofa atu kia koe?

Akoakoga:

Tamaliki, kafai tatou e iloa fakalei ne tatou te tala, e talagina ne ia te pui-puiga a te Atua ki luga ia Mose. E ui loa te uke o fakalavelave mo te fakamataku a fakatonuga a Falao tela e mafai o afaina a te ola o Mose, kae lavea ne tatou a te alofa ote Atua i tena pui-puiga kiluga ia Mose. Fanao e mafai foki ne te Atua o pui-pui ne ia koe manafai koe e talitonu kia ia mo tena pui-puiga ki tou olaga.

Fuaiupu Tauloto: 1 Petelu 5:7 "Fakaeke katoa kiluga ia ia a mea e manava'se ei koutou, me atafai atu e iloa kia koutou"

Pese: I have a Friend/ Mission of Love/ God want to spends time with just you

Talosaga:

Fesoasoani mai Iesu ke talitonu matou kia koe mo te motou pui-puiga, i te igoa o Iesu, Amene.

FAKAMATALA TE FUAIUPU TAULOTO: 1 PETELU 5:7

"Fakaeke katoa kiluuga ia ia a mea e manava'se ei koutou, me atafai atu e iloa kia koutou"

Fakatomuaga:

Kai isi aka loa se taimi ne manava'se ei koe? Ne niisi mea e manava'se ei koe? (tuku ke fai mai ne manatu o tamaliki). Te tusi tapu e fai mai ko koe ke moa e manava'se i sose mea manafai koe e talitonu me ko Iesu tou

Fakamatalaga:

FAKAEKE KATOA KILUGA IA IA__Ki te fakaeke kiluga ia ia ko te fakaasi ne koe ki te Atua ou fakalavelave io me ko mea e manava'see ei koe. E tau ke fakailoa katoa ne koe kia ia kae sa toe manava'see kiei.

ME ATAFAI ATU EILOA KIA KOUTOU__Te Atua e alofa atu kae atafai atu. Ko ia tela e iai te mana mo te malosi o atafai atu i sose tulaga o te olaga.

Mea akoga mo fakamaina te Fuaiupu Tauloto:

Se pepa e tusi kiei a te Fuaiupu Tauloto.

Pese: I have a Friend/ Mission of Love/ God want to spend time with just you

Talosaga:

Te Aliko, fesoasoani mai kia matou fanau ko te mea ke tuku katoa kia koe a mea e manava'see ei matou, amene.

ULUTALA 2: KO TE KALAGA A MOSE

Pogai: Fesoasoani ki tamaliki ke iloa ne latou me i te Atua e fesoasoani atu kia ia ke fai ne ia te mea tela e loto a ia kiai.

Tusi Faitau: Esoto 2:11—4:18

Fakatokaga mo Faiakoga:

Ona ko te ita o Mose ona ko te fakapologs ne tino Aikupito tino Epelu, ne taa ne Mose te tagata Aikupito tela ne taa ne ia te Epelu, tela ne sola ei a Mose ite iloaga ne ia me i tena agasala ko iloa (2:1-14). Mose ne tele ki Mitiana, tela ne nofo i te kaaiga o Ietelo, avaga ki te tamaliki fafine a Ietelo e igoa kia Sepola tela e 2 ana tama tagata (2:15-22). Ne lavea ne te Atua te puapuaga o ana tino kae ne lagona foki te tagi a latou mose fesoasoani (2:23-24). Te Atua ne kalaga kia Mose mai te

Mea Akoga mo fakamaina te mataupu:

Ata o matua takutakua i Tuvalu

Ata o nisi fafine takutakua i Tusi Tapu, te Pasefiika, mo te lalolagi

Fakatomuaga:

Fesili ki tamaliki taki tokotasi me se a a tena meaalofo ne fai mo tena matua i te Aso Tapu o Matua?

Akoakoga:

Ko akoako mai te muna a te Atua ki Matua me e manakogina a matua kola e fakatuagagina (f.10); e galue malosi (f.17); e kaimalie ki tino mativa mo tino fakaalofa (f.20); kae ava ki te Aliko (f.30). A te aso fiafia o Matua e fakavae ki tapuakiga ko tena uiga, a matua e tau o ola faka lagolago mo te fakatuanaki ki te Atua.

Mea fai a Tamaliki:

Kilokilo fakalei ki te ata o tou matua

Tusi ki lalao a mea gali kae lei ne fai ne ia mo koe

Tusi foki a mea kola i tau fakatau e se lei ei a tona olaga

Fuaiupu Tauloto:

Fataoto 31:30 "A te gali e fakase tino, pela foki te matagali e mafai fua o matafi, ka ko te fafine tela e fakaava ki te Aliko e tau o tavae-gina."

Pese: Fili mai te tusi pese

Talosaga:

Te motou Tamana faka te lagi, fakafetai mo omotou matua kola ne tuku mai ne koe. Te Tamana, ke tausi, ke atafai kae fakamanuia ne koe, ko te mea ke ola loa kae ol fiafia i aso koi toe o tona olaga, Amene.

ULUTALA 23: TE ASO O TAMANA

Pogai: Ke akoako a tamaliki me e tasi o tiute ote tamana ko ia tela e t'aki ne ia taua fanau kite ola se gata mai.

Atua e fakaola i ei a latou katoa e fakatuanaki.”

Pese: Fili mai te tusi pese

Talosaga: Te Atua Tafasili i te Malosi, fakafetai mo olaga o au tav-
iniloto lasi kola ne kufaki ne latou a vasa mo afa kae ne fakasao ne
koe ko te mea ke maua ne matou a te Tala Lei o te Fakaolataga i a
Iesu. Fakamanuia au tavini kola e feagai mo faigataga ona ko te fola-
folaga o tau Tala Lei, amene.

ULUTALA 22: TE ASO O MATUA

Pogai: Fakamatala ki tamaliki ke maina lei i te Aso o Matua e
fakamasaua i ei a tusaga lasi kola e fai ne matua mo latou, mo te
kaiga e pela foki mo tulaga kesekese o te olaga.

Tusi Faitau: Fataoto 31:10-31

Fakatokaga mo Faiakoga:

Te Aso Fiafia o Matua e fakamailoga i ei te tulaga mo te tusaga o
matua i loto i Tuvalu ona ko te taua o tusaga e panaki mo latou ka-
mata mai i te fale, te kaiga mo fanau, te Ekalesia, te fenua i Fale-
Kaupule mo fakapotopotoga a fafine mo tulaga kesekese i te malo mo
te olaga faka Tuvalu. Ne talia ne te Fono Lasi i te 1986 ke fakamailoga
te Aso Tapu o Matua i te toe Aso Tapu o Iulai. Ne filigina ne fafine a
te aso tenei e fakamanatu foki ei te Mafutaga a Fafine o te Ekalesia
Kelisi ano Tuvalu. A fiafiaga o te Aso o Matua e tala loa ki tapuakiga i
te Aso Tapu tena i te lotu taeao mo te afiafi kola e fakatoka kae taki-
taki ne fafine. E tenei te taimi tela e uke a meaalofa e fakatoka ne ta-
maliki ma olotou matua, e fakatino i ei te fakafetai a latou mo te tau-
siga alofa a te matua ki a latou. A tagata i te aso tenei e kuka kae
fakatoka a meakai mo fakagaligali te Aso o Matua. A fakafiafiaga e
fakasoko ki taupese mo koniseti i te po mo fakaala, fatele mo siva i te
Aso Gafua. Ko fakataua malosi a te tusaga faka-matua i loto i te
Fenua, Ekalesia, mo te Malo; kae fakasilisili ko tusaga faka-matua tela
e panaki mo te tausi, akoako, mo te putiputiake o tamaliki. Te tusga
faka-matua tena i loto i Tuvalu e se mafai o fakanafagina io me faka-
tapulagina. E se gata fua i kona a tusaga o matua, kae i loto i te olaga
saukatoa e lasi te tusaga fesoasoani e fai ne latou.

fakaola.

lakau tela e kaa kae se paku ana lau (3:1-6). Te Atua ne fai kia Mose
me ia ia ka uga o fakasao ana tino kae `taki foki ne ia ki tua mai
Aikupito (3:7-10). Ne lagona ne Mose a tena se mafai kae ko te Atua
ne fakailoa kiei me ia ia ka fakatasi kia ia (3:11-12). Mose ne fai ki te
Atua me ia ese lei tena faipati ka ko te Atua ne fai kia ia me ia ia te
Atua e fesoasoani atu (4:10-12) Ne tumau loa te fai o Mose ki te Atua
tena se mafai, tela ne ita iei te Atua kae fili ne ia tena taina ko Alona
ke fai mo tukumuna (4:13-17).

Mea akoga mo fakamaina iei te mataupu:

Flashcard 2:1-6

Fakatomuaga:

Maufaufau aka me sea te mea e taku/ me se mea foki pefea a te ola
aka i loto i te mea e taku ki te Palesi.

Akoakoga:

Mai te tala tela ne fakalogologo tatou kia fanau, e talagina ne ia a te
kalaga o Mose ki te galuega. E lavea ne tatou tamaliki me ia Mose e
fai faeloa me ia ia ese mafai o fai te galuega. Fanau, se taumate e
pena foki taaua , e nofo mo taua a lagona konei, lagona o te se
mafai, se taumate e fai atu te Aliko ke fakailoa ne koe kise tino a ia
kae nofo koe mo te manatu me seiloa ne koe o faipati. Se taumate ko
te mea ke usu ne koe se pese, kae mafaufau ifo koe me se ko tau
talen tena. A te Atua ese manako ko koe ke fai ne koe se mea mo ia,
ia koe eiloa, ikai. Kafai e kalaga koe ki te Aliko mose fesoasoani, te
Aliko e fesoasoani atu eiloa kia koe. E iloa fakalei loa ne ia koe aua
mene faite ne ia koe ka ko ia foki ne tuku atu ne ia taleni kesekese
kia tatou katoa E iloa foki ne te Atua mese mafai ne tatou o fai a mea
i tou malosi mo tou mafai. Te Atua se Atua mana se Atua malosi, e
mafai ne ia o tuku atu kia koe te malosi ke mafai ne koe o fai te mea
tela ne fakatonu atu kia koe ke fai.

Fuaiupu Tauloto: 1 Tesalonia 5:24 “A ia tela e kalaga atu kia kou-
tou e fakamaoni, ko ia eiloa tena e fai ne ia”

Pese: I have a Friend

Talosaga:

Iesu, fakamolemole fesoasoani mai ko matou ke faka'na ki tou malosia ke fai ne matou tou loto, Amene.

FAKAMATALA TE FUAIUPU TAULOTO: 1 TESALONIA 5:24

"A ia tela e kalaga atu kia koutou e fakamaoni, ko ia e iloa tena e fai ne ia"

Fakatomuaga:

Te maatua o Kalisa ne fai kia ia Kalisa ke fano ki te sitoa ke 'togi mai ne la mo meakai kae ne puli ia ia o ave se sene mo togi ala meakai. Kalisa ne seki kaatoa katoa loa a mea e 'tau mo fai te galuega. Te tusi tapu e fai mai me kafai e tuku ne te Atua se galuega ke fai ne koe, e fakatoka ne ia mea katoa mo fai ei te galuega.

Fakamatalaga:

E KALAGA ATU__nisi taimi te Atua e kalaga atu ke fai ne koe se mea mo ia.

E FAKAMAONI__aia tela e fakamaoni ko te Atua. Aia e fakamaoni loa kia koe manafai e kalaga ne ia koe manafai foki mana manakomia ne koe se fesoasoani

KO IA EILOA E FAI NE IA_ Te Atua ko ia e iloa e fesoasoani atu ke fai ne koe te mea tela e fakatonu atu ke fai ne koe, e avatu ne ia te mafai te malosia tela e manakomia ne koe

Mea akoga mo fakamaina te mataupu:

Se pepa e tuis iei te memory verse

Pese: I have a Friend/ Mission of Love/ God want to spend time with just you

Talosaga: Te Aliko, fesoasoani mai kia matou fanau ko te mea ke talitonu matou me kafai e kalaga te Atua kia koe, ko ia foki loa e fakatoka ne ia mea katoa mo fai tena galuega.

Fakatokaga mo Faiakoga:

Te Aso Fiafia o te Tala Lei i Tuvalu e fakamanatu i ei te okoga mai o te lotu io me ko te Tala Lei a Iesu tenei e fakavae kae tausi ne te Ekalesia Kelisiano Tuvalu.

Te aso fiafia tenei e fai i ei te tapuakiga fakapitoa tela e fai i te lua o Aso Tapu o te masina o Mee. E masani o fakamatala a tala o te oko maiga o te Tala Lei ki Nukulaelae mo fenua katoa o Tuvalu. E tenei foki te taimi e fai ei a taulaga tupe a kaiga, fakapotopotoga mo vasega, ke oko ki tino takitokotasi ki te Ekalesia mo fai ana galuega pela foki mo polokalame e atiakega i ei a olaga faka te agaga o tino. E fakasoko te polokalame ki tau-pese i te po mo te fakaala mo faiga fatele i te Aso Gafua.

Mea Akoga mo fakamaina te mataupu:

Ata o Iesu

Ata o faifeau Samoa kola ne galue i Tuvalu

Fakatomuaga:

Fesili ki tamaliki me kaia e se fiafia ei a latou ki lotu mo te akoga i Aso Tapu?

Akoakoga:

Te Tala Lei a Iesu ne fuli ne ia a olaga o tino i Tuvalu ke lei. I aso tau-mua, a tino i Tuvalu e ifo ki tupua kae nofo mo olotou atua faite, kae atamai foki i poto fakataulaitu. Te olaga faitaua mo te loto masei e fakamasei ne ia a va o fenua mo potukau. A avaga e puke ki mafi mo uiga pouliuli pena. A amioga mo uiga katoa kona ne avekeatea ne te Tala Lei kae ko fou a olaga o tino; e tena te pogai e taua ei te aso fiafia tenei.

Mea fai a tamaliki:

Lomi te ata o te vaka o Elekana kae e peipei ne galu i te matagi malosia

Lomi te ata o Elekana mo tena Tusi Tapu i tona lima kae akoako a tino i Nukulaelae

Fuaiupu Tauloto:

Loma 1:16(a) "I au e se ma i te Tala Lei; i te mea ko te mana o te

Akoakoga:

A tagata poto konei mai i te sopoga'la ne faimalaga mai o `sala, o faimeaalofa kae o tapuaki ki te Aliko, te Fakaola tela ne lavea ne latou a tona fetu fakatino. Ne mai latou mo te mautinoa mo te loto tali'tonu ko latou ke oko ki te fale e fanau ei a te Aliko. E `pau e iloa mo tatou i aso nei, e lavea ne tatou a tino e fai meaalofa saale foki ki tamaliki foliki mo tino kola ko fai olotou asofanau, mea nei ne fakaasiga katoa o te a'lofa mo te amanaia ne tatou a te tino tela io ia a te asofanau. A te fanau mai o Iesu se meaalofa tena a te Atua te Tamana mô tatou tino katoa, ne tuku mai tena ola ke mate a ia mô `tou agasala ke fakamagalogina. Seâ la nei a `tou tali ka tali atu ki te alofa o Iesu mo tena Tamana? Tamaliki, ke tuku atu foki a `tou ola mo `tou foitino ke fakaaoga mo fai a te finagalo o te Atua i te lalolagi nei i aso katoa e ola ei tatou.

Mea fai a tamaliki:

· `Kala a te ata #57

Faifesili ki fesili e autu tonu loa mo te `tala a tatou i te taeao nei.

Pese: Tuku tau Meaalofa mo te Aliko....

Fuaiupu Tauloto: Mataio 2:6 "A koe foki e Petelema i te fenua o Iuta, ka sili atu tou taulia i Aliko o Iuta; me e tupu mai ia koe se takitaki tela ka pule ne ia toku fenua ko Isalaelu."

Talosaga:

Te Atua o te Alofa tauanoa, fakafetai matou mo te tala gali. Kae akai matou ke fesoasoani mai koe ki omotou olaga, ke fiafia matou o `sala faeloa ki a koe i omotou olaga, kae maise, ke fiafia foki matou o ôla mô koe. Amene.

ULUTALA 21: TE ASO OTE TALA `LEI

Pogai: Ke akoako a tamaliki ke maina fakalei me i te Tala Lei ko te tala o te fakaolataga tela ne fuli ne ia a olaga o tino mai te pouliga ki te mainaga o Iesu.

Tusi Faitau: Luka 2:8-20.

ULUTALA 3: MOSE KO FOLAFOLA NE IA TE FEKAU A TE ATUA

Pogai: Fesoasoani ki tamaliki ko te mea ke talitonu ki te Atua e tigo loa latou e `se malamalama

Tusi Faitau: Esoto 4:19-21, 27—6:9

Fakatokaga mo Faiakoga:

Mose ne puke ne ia tena kaiga o toe foki ki Aikupito e pela loa mo te fakatonuga a te Atua (4:19-21). Ne fakatonu ne te Atua Alona ke fano ki te koga lavaki o fakafetaui kia Mose (4:27-28). I te taimi ne fakalogo ei tagata Epelu kia Alona mo Mose kae ne lavea foki ne latou vavega, ne talitonu latou kae tapuaki atu ki te Atua (4:29-31). Mose mo Alona ne fai atu kia Falao ke fai ke olo tino Epelu kae ko Falao ne ita, kae fai atu me seiloa ne ia te Atua (5:1-2). Ne fai atu laua kia Falao ke talia tino Epelu ke olo o tapuaki ki te lotou Atua kise tolu o aso kae ne seki talia ne Falao kae faopoopoo olotou galuega (5:3-9) latou kola e pule i galuega ne fakatonu ki pologa ke puke ne olotou kau saito kae ke faite ne latou a te fuainumela tela e masani saale o faite ne latou (5:10-14). A takitaki o tino Epelu ne fai olotou se malie kia Fa-lao kae iloa ake ne latou mene pogai mai iluga ia Mose mo Alona (5: 15-19). Ne tii ne tino Epelu me ko Mose mo Alona ne pogai ei te faka'mafa olotou galuega tela ne tagi ei Mose ki tena Aliko (5:20-23). Ne fakailoa ne te Atua kia Mose a tena palani mo tena malosi o faka-sao ona tino (6:1-8).

Mea akoga mo fakamaina te mataupu:

Flashcard 3:1-6

Fakatomuaga:

Ne mafai ne Mose o talitonu ki te Atua e ui a ia ese malamalama?

Akoakoga:

Tamaliki, e lavea ne tatou mai te tala te tulaga o te see talitonu o tino Epelu ki te Atua. E ui ne fakailoa atu ne Mose mo Alona me ia laua ne uga gina nete Atua o faka-sao latou, kae `se talitonu latou kia laua. E

ui foki ne fai laua fakaasiga i vavega e auala i te tokotoko ne liu gata i olotou mua kae se talitonu loa latou kiei. Fanau, talitonu ki te Atua i sose mea, e ui foki koe ese malamalama ka ko koe ke talitonu, me i te Atua tenei ko ia tela ne faite ne ia koe mo au kae alofa foki kia koe mo au, kae e lava foki tena malosi o fai sose mea manafai fua e talitonu koe kia ia.

Fuaiupu Tauloto: Fataoto 3:5-6 “Talitonu ki te Aliko mo tou loto katoa. Sa fakalagolago lele e iloa ki tou iloa. Ke masaua faeloa ne koe te Aliko i au mea katoa e fai, kae ka fakaasi atu neia kia koe te auala tonu”.

Pese: Good News to all the world/ Nothing but the Blood/ I have a Friend

Talosaga:

Iesu alofa mai kia matou fanaua ko te mea ke ola matou ite olaga talitonu fua tiga matou e se malamalama, i te igoa o Iesu, Amene.

FAKAMATALA TE FUAIUPU TAULOTO: FATAOTO 3:5-6

“Talitonu ki te Aliko mo tou loto katoa. Sa fakalagolago lele e iloa ki tou iloa. Ke masaua ne koe te Aliko i au mea katoa e fai, kae ka fakaasi atu ne ia kia koe te auala tonu”

Fakatomuaga:

(Tuku se nofoaga mai mua o tamaliki kae fai kise tamaliki ke nofo i luga I te nofoaga)

Fesili ki te tamaliki: Ne talitonu koe me i te nofoaga e mafai ne ia o taofi koe i te taimi ne nofo ei koe iluga i te nofoaga? Ao. E pena foki te mea e manako kiei te Atua. Te Atua e manako ko koe ke talitonu kia ia.

Fakamatalaga:

TALITONU KI TE ATUA MOTOU LOTO KATOA__Te Atua e manako ke talitonu koe kia ia katoatoa

fakaasi ne ia a tona se fiafia ki tona uiga tena, tela ne pei i ei ne ia a Ioane ki te falepuipui kae fakamuli ifo ne kati a tona ua i te manakoga o Helotia (Mata.14:1-12; Male.6:14-29; Luka.3:19-20; 9:7-9). Ko Helota foki loa tenei ne fakamasino ne ia a Iesu (Luka.23:6-16; Galu.4:27). A tino Poto mai te Sopogala i te gana Eleni 'Magi' e fakauiga ki tino fakataulaitu; kae i a Mataio (2:1) e fai mene aumai mai te Sopoga-la kola ko fenua faka Alapi mo Mesepotamia. A tino Poto konei ne poto i mea tau fetu me tela e takitaki ne te fetu (2:2) kae ne tino o fenua fakatea me e 'se iloa ne latou a muna a pelofeta e uiga mote koga ka fanau mai o Iesu (2:2-6). Ona me tolu a meaalofa (2:11) ne tuku ki a Iesu, ko tuku taumate ei me tokotolu a tino Po-to mai te Sopogala, ka ko latou kona ne tupu e pela mo te moli-mau a Isaia (60:3).

Lesona:

I te vaitaimi tenei, ko taimi o te tupu ko Helota. Ne logo te tupu ite Keliso ko fanau mai, kae ne lamalama ne Helota ke tamate neia Iesu ka ko nofo iei a Malia mo Iosefa mo te pepe i te fale o manu. A Helota ne vau ite gafa o Esau, tela e fai fili mo tekau Iu-taia. Ko pilipili ki te oti o tena nofoaiga, kae ne malaga mai iei a tino poto mai ite Sopogala o sala ate Tupu ote kau Iutaia. Ona ko te tulaga atamai o latou, tela e filifiligina sale faeloa latou ke ola o faipati ki te tupu. I te malaga o olo o sala te Tupu, e lavea ne latout e fetu pula, ka mai ite lotou maina i fetu, mote faitau foki ki tusi-tusiga fakapelofeta, e iloa ne latou o fakamatala te uiga o te fetu pula, me ko te fetu o te Tupu. Ne taki latou ne te fetu ki te koga tela e fanau iei ate Pepe. Ne lafo olotou meaalofa kite Pepe o Pe-teleema, te Fakaola o tino katoa.

Mea a'koga mo fakamāina ei a te mataupu:

· Ata #57

Niisi ata mafai e isi

Fakatomuaga:

Kaiā e ave saale ei a meaalofa a tino ki pepe io me ko taimi o asofanau?

Pese: “Ko fanau mai te pepe....”

Fuaiupu Tauloto: Mataio 5:5 “Amutia a latou kola e loto malalo me fai ma latou a folafolaga a te Atua.”

Talosaga:

Te Atua te motou Tamana alofa, fakafetai mo te fakaasi mai ne koe se ata fakaakoako ki a matou, ko te mea ke ola matou i te loto maulalo. Fesoasoani mai ke mafai ne matou o ola i loto i tou finagalo. Amene.

Ulutala 20: KO MEAALOF A TINO POTO MAI I TE SOPO GALA.

Pogai: Ke fakamaina ki tamaliki, me i te fai meaalofa ki te pepe ko Iesu, se faifaiga e fakamalosi ne ia a te fai mealofa o tatou ki te Atua.

Tusi Faitau: Mataio 2:1-12

Fakatokāga mô Faia’koga:

Peteleema (te Fale o Falaoa) se fakai foliki tela e lima maila ki te faitu ki Saute o Ielusalema, kae e tusa mo te 750 meter te maluga mai i te levolo o te tai. Tenei te fakai o Tavita mo ana matua (1Samu.16:1; 17:12). Ne takutakua malosi te fakai tenei mene fanau mai i ei a Iesu (Mika.5:2; Mata.2; Luka.2; Ioa.7:42). A Helota te Sili (Herod the Great) ko ‘te tupu o tino Iutaia’ i te tai-mi ne fanau ei a Iesu kae a ia ne mate foki loa i te tausaga foki loa tena i te 4 B.C. Ko Helota tenei ne faite ne ia te Faletapu i Ielusalema tela ne kamata i te 20 B.C kae ne oti lei i te A.D.62 ka ko leva ne mate i ei a ia. A Helota te Sili ne sui ne tena tama ko Helota Anitipa (4 B.C- A.D.39) tela ne feagai mo Ioane te Papaptiso mo Iesu (Mata.14:1-12; Male.6:14-29; Luka.3:19-20; 9:7-9; Male.8:15; Luka.13:31-32; 23:6-16; Galu.4:27). A tena tulaga ne fakase ne tona fiafai ki a Helotia tela e fakatamana ki a ia, kae avaga mo tena taina ko Helota tela e matua kesekese laua. Ona ko tena manakoga tena, ne mavave ei a ia mo tena avaga, kae avaga mo Helotia. A Ioane te Papatiso ne

SA FAKALAGOLAGO LELE EILOA KI TOU ILOA__moa koe e fakalagolago ki mea e iloa ne koe

I AU MEA KATOA E FAI__i sose mea ke masaua faeloa ne koe te Alik. Faipati kia ia e auala I te talo

KAE KA FAKAASI ATU NE IA KIA KOE TE AUALA TONU__kafai koe e naunau o fai te loto o te Atua, te Atua ka takitaki ne ia koe ki ona auala.

Mea Akoga mo fakamaina te Mataupu:

Pepa mo tusi te Fuaiupu Tauloto

Pese: Good News to all the World/ Nothing but the Blood/ I have a Friend

Talosaga: Te Alik fesoasoani mai kia matou fanau ke fakalagolago kae talitonu kia koe, Amene.

ULUTALA 4: KO LAVEA NE MOSE TE MALOSI MO TE MANA O TE ATUA

Pogai: Ke akoako ki tamaliki ko te mea ke iloa ne latou me ko te Atua fua e mafai o fakasaoloto ne ia latou mai te fakasalaga o te agasala.

Tusi Faitau: Esoto 7:1—12:42

Fakatokaga mo Faiakoga:

Ne uga nete Atua Mose kia Falao kae avatu ne ia kia Mose te mafai o fai a vavega ka ko te loto o Falao ne makeke tela ne seki talia ne ia ke olo tino Epelu (7:1-14). Ne ave nete Atua a mala e uke ka kote loto o Falao ne tumau te makeke (7:15—10:29). Mose ne fakailoa ne ia kia Falao i te mala i te 10 tela ko te tamatega o ulumatua katoa i Aikupito (11:1-10). Ne fakatonu ne te Atua kia Mose a mea e tau latou o fai tino Epelu ko te mea ke sao latou mai te 10 o mala (12:1-11). Te taimi ne vau ei te mate ki fale katoa i Aikupito, fale o te kau Epelu e malu ona ko te toto tela e nini i mataloa olotou fale (12:12-13). Te Paseka se mea tela e ‘tau o fakamanatu i tausaga katoa

(12:14-20). Mose ne fakailoa ne ia fakatonuga mai te Atua kae ne fakalogo a latou kiei (12:21-28). I te valuapo te Aliko ne tamate katoa loa ne ia ulumatua I Aikupito (12:29-30).

Mea akoga mo fakamaina ei te mataupu:

Flashcard 4:1-6

Fakatomuaga:

E mata a tino Epelu katoa ne fakalogo ki te fakatonuga ne ave ne te Aliko kia latou?

Akoakoga:

Te tusi tapu e fai mai me i tino katoa ne tino agasala (Loma 3:23), ka ko te tauio me ko te togi o te agasala ko te mate (Loma 6:23). Tamaliki, e seai loa se isi koga ake e mafai o fakasaoloto ne ia koe mai te fakasalaga o te agasala, ko Iesu fua tela ne mate mo au agasala mo aku agasala. E pela loa mo te fakasaolotoga ne te Atua te fanauga Isalaelu mai te nofoga pologa i Aikupito, ko ia foki e mafai ne ia o fakasaoloto ne ia koe mai te nofo pologa o koe mai te mea tenei e taku ko te agasala.

Fuaiupu Tauloto: Efeso 2:13 "Kae nei, I te otou 'soko tasi mo Keliso Iesu, tela la, ko koutou kola ne 'mao muamua, nei ko pili mai koutou kiei, e alatu I te mate o Keliso"

Pese: Nothing but the Blood/ I have a Friend

Talosaga:

Iesu, fesoasoani mai kia matou fanau ke iloa ne matou me ko koe fua tokotasi e mafai o fakasaoloto ne koe matou mai te fakasalaga o te agasala, Amene.

FAKAMATALAGA O TE FUAIUPU TAULOTO: EFESO 2:13

"Kae nei, i te otou 'soko tasi mo Keliso Iesu, tela la, ko koutou kola ne 'mao muamua, nei ko pili mai koutou kiei, e alatu i te mate o Keliso"

avanoaga mo latou i loto i fale talimalo. Tamaliki, a te fanau mai o Iesu i loto i te fale manu se fakaasiga o te auala o te loto maulalo kae se ko te fiamaluga mo te fiasili. Tela la, ke fakaakoako tatou ki te Aliko ke ola tatou i se olaga loto maulalo mo te alofa.

Mea fai a Tamaliki:

'Kala a te ata #54.

Fai a fesili mo atili fakamaina ei a te tala o te taeao nei.

Pese: "Ko fanau mai te pepe...."

Fuaiupu Tauloto: Mataio 5:5 "Amutia a latou kola e loto malalo me fai ma latou a folafolaga a te Atua."

Mea a'koga mo fakamaina ei a te mataupu:

Ata #54

Fakatomuaga: Kai isi aka loa se tamaliki i Tuvalu nei ne fanau i loto i se pamoā, pa-taki io me se saipuaka?

Akoakoga:

A te fanau mai o se pepe ki loto i se kaiga, se fakafiafiaga lasi ki loa ki matua mo kaiga o te pepe kae maise ko te tamaliki muamua loa tela ko te ulumatua. A matua e masani o fakatoka saale ne laua a kope o te pepe pela mo pitaake, ko te tiisi koukou ko te fagu susu mo niisi mea aka foki. Amutia tatou kola ne fanau i te fakaimasaki io me i loto i se fale gali kae mafanafana, kae fai mai a te Tusitapu, me ia Iesu ne fanau fua i loto i te fale e tausii ei a manu pela mo pulumakau mo kouti mo mamoe, ona me ko seai se avanoaga mo latou i loto i fale talimalo. Tamaliki, a te fanau mai o Iesu i loto i te fale manu se fakaasiga o te auala o te loto maulalo kae se ko te fiamaluga mo te fiasili. Tela la, ke fakaakoako tatou ki te Aliko ke ola tatou i se olaga loto maulalo mo te alofa.

Mea fai a Tamaliki:

'Kala a te ata #54.

Fai a fesili mo atili fakamaina ei a te tala o te taeao nei.

Atua

(Mata.1:19). A Iosefa ne avaga ki a Malia ako la tama ko Iesu, Iakopo, Iosefa, Simiona, mo Iuta; kae e isi foki ne olotou tuagane (Mata.13:55-56). A Iosefa ko te tamana o Iesu (Luka.4:22; Ioa.1:45; 6:42). " ... fakamoe i te tali fagai manu, me ko seai se koga mo latou i te faletalimalo" te ata o te tavini loto malalo kae 'e se kai filifili' me seai i a ia te loto fia sili kae ko te loto alofa mo tino katoa.

Lesona:

Ne fakatonu ne Kaisala Aokuso ke fai te tusiga igoa i fakai o tupu-ga o latou. Ko Kulene i ei te kovana o Sulia. Kaisala Aokuso ne pulepule mai ite 27 TMK ke oko ki te 14 TMTK. A Iosefa mo Malia ne aumai kite tusiga igoa, kae ko te taimi tonu. foki e iloa ne fanau iei a Malia. Ko te fakataunuga o te valoaga nefai ne te pelofeta ko Mika 5:2 Muna ate Aliki "Peteleema Efalata, a koe se fakai e tasi mai fakai foliki e iloa o Iuta, kae ka avaka ne au mai ia koe se pule mo Isalaelu, ko tena gafa e vau mai aso mua e iloa." I te okomaiga ki Peteleema, ko fonu te fale talimalo, kae ko seai se koga mo nofo. Na ko te fale o manu fua e avanoa. Iesu ne fanau iloto ite fale o manu, kae ne fakamoe i loto ite tali fagai manu

Mea a'koga mo fakamāina ei a te mataupu:

Ata #54

Fakatomuaga:

Kai isi aka loa se tamaliki i Tuvalu nei ne fanau i loto i se pamoā, paktaki io me se saipuaka?

Akoakoga:

A te fanau mai o se pepe ki loto i se kaiga, se fakafiafiaga lasi ki loa ki matua mo kaiga o te pepe kae maise ko te tamaliki muamua loa tela ko te ulumatua. A matua e masani o fakatoka saale ne laua a kope o te pepe pela mo pitaake, ko te tiisi koukou ko te fagu susu mo niisi mea aka foki. Amutia tatou kola ne fanau i te fakaimasaki io me i loto i se fale gali kae mafanafana, kae fai mai a te Tusitapu, me ia Iesu ne fanau fua i loto i te fale e tautasi ei a manu pela mo pulumakau mo kouti mo mamoe, ona me ko seai se

Fakatomuaga:

Kafai e isi se pui maluga i te vaa o koe mo tou taugasoa, a koe e tau-mafai ke sala ne koe se auala ke mafai koe o kake koe mai luga o te pui ko te mea ke pili koe ki tou taugasoa. Kae e fai ne koe pefea te agasala tela e 'vae ei koe mo te Atua? E se mafai ne koe o kake io me fakaaoga ne koe sua auala. E tasi pau te auala e mafai ei nete Atua o aumai ne ia koe ke pili.

Fakamatalaga:

KAE NEI, I TE OTOU SOKO TASI MO KELISO IESU__e mafai fua ne koe o vau ki te Atua e auala i tena tama ko Iesu Keliso.

KO KOUTOU KOLA NE 'MAO__a tatou ne mavae mo te Atua ona ko otou agasala (mea kola e mafaufau koe kiai, faipati kae fai ese fiafia kiai te Atua)

NEI KO PILI MAI I TE TOTO O KELISO__kafai koe e talitonu kia Iesu tela ne Sali tena toto kae ne mate i te sataulo moau agasala, Te Atua ka fakamagalo kae ka aumai ne ia koe ke pili kia ia. E fai ne ia koe mo tena tama tela ko mafai ne koe o iloa ne koe a ia kae alofa kia ia i te taimi e nofo ei koe i te lalolagi nei.

Mea akoga mo fakamaina te mataupu:

Pepa e tusi iei te Fuaiupu Tauloto

Pese: Nothing but the Blood

Talosaga: Tamana i te lagi, fakafetai matou aua moi see tuku mai ne koe tau Tama penei e 'mao matou mo koe, Amene.

ULUTALA 5: MOSE MO TINO EPELU I LOTO I TE TAI KULA

Pogai: Fesoasoani ki tamaliki ke iloa ne latou me ko te Atua e pule i otou olaga

Fuaiupu Tauloto: Loma 8:28

Fakatokaga mo Faiakoga:

Ne `taki ne te Atua te fanauga Isalaelu ki tua mai Aikupito e ui atu i te toafa tela e pili ki te tai kula i te pou kaumana i te ao kae ko te afi i te po (13:17-22). Ne fakaasi ne te Atua kia Mose a lagona o Falao ki te tulaga o te tiakinaga ne te kau Epelu a Aikupito (14:1-4). Falao mo tena kau tau ne afuli ne latou a tino Epelu pela loa mo te fakaasiga a te Atua kia Mose (14:5-9). Ona ko te lotou matakua ia Falao mo tena kautau nese fakalogo latou ki te Atua e pela foki mo Mose (14:10-12). Ne fakamalosi ne Mose a tino ko latou ke talitonu ki te palani a te Atua (14:13-14). Te Atua ne fakaasi kia Mose te auala e mafai ai o matala te auala mo tino Epelu kae pono ki tino Aikupito (14:15-20). Ne sisi ake te lima o Mose tela ne mavae ei te tai kula kae ne fai ne ia te kau Aikupito ke seai se mea e mafai ne latou o fai (14:23-25). Ne toe sisi te lima o Mose tela ne toe foki te vai ki tena nofoga mua tela ne mate valevale iei te kautau Aikupito (14:26-28).

Mea akoga mo fakamaina iei te mataupu:

Flashcard 5:1-6

Fakatomuaga:

“Kai lagona aka loa ne koe? Me ko Falao ne fakasaoloto ne ia tatou”

Akoakoga:

Tamaliki, ko te mea ke iloa ne taua me ko t e Aliko e pule i otou olaga. Ko ia ne faite ne ia tatou ka ko ia foki loa e pule i otou olaga sau katoa. E se taumate te koga tela e nofo koe iei, se koga tela e fepaki taua mo matagi, afa. E se taumate foki se tino e pele ki tou loto fanau ne galo atu io me masaki. Tefea te Atua i taimi e tupuiei a mea konei?. Te tusi tapu e fai mai me i te Atua e pule i mea katoa “kae ne fai a mea katoa ki te fuafuaga mo te mafaufau o te Atua.” (Efeso 1:11). E se katoa te malamalama o taotu fanau me kaia e tupu iei a mea konei ki otou olaga kae e tasi te mea ke iloa ne taua me ko te Atua e pule i mea katoa.

Fuaiupu Tauloto: Loma 8:28 “I te mea e iloa ne tatou i te Atua e galue fakatasi mo tino kola e a’lofa kia ia, ko latou e iloa kola ne kalagagina mo tena galuega”

nei; ko fanau mai a te Keliso te Aliko ko Iesu, ea, kai talitonu e iloa tatou me ia Iesu ko te Keliso, te Aliko mo te Fakaola o tatou? Ke na talia ne tatou a ia ki `tou olaga i te taeao nei ke vau a ia o fai mo Aliko tumau o `tou olaga i aso katoa.

Mea fai a Tamaliki:

· `Kala fakagaligali a te ata #55

Tauloto a te fuaiupu tauloto ke maua faka’lei

Pese: Ne nonofo i te vao leoleo mamoe.....

Fuaiupu Tauloto:

Luka 2:10,11 “Sa ma’taku, kiloke ko aumai ne au a te `lei mo koutou, ka fakafiafia ei a tino katoa. I te po e iloa tenei i te fa’kai o Tavita, ko fanau ei te outou Fakaola ko Keliso te Aliko ”

Talosaga:

Te Atua te motou Tamana alofa, fiafia omotou loto i tou alofa mo matou. Ko fakaasi mai ne koe ki a matou a te fanau mai o tau tama pele ko Iesu, tela ko te motou Fakaola. Fakamalosi mai matou ke iloa ne matou o a’lofa ki a koe i aso katoa o motou olaga. Amene.

Ulutala 19: KO TE FANAU MAI O IESU

Pogai: Ke akoako a tamaliki ke māina i te `tala o te fanau mai o Iesu

Tusi Faitau: Luka 2:1-7

Fakatokāga mô Faia’koga:

Te tusiga igoa (census) te la ne fakatonu ne Kaisala Aokuso kae ko Kulenio ko te kovana o Sulia e fakapatonu kae fakamailoga i ei a te taimi (date) ne fanau i ei a Iesu. Ko tona uiga, i loto i gasologa o tala tuku fakasolopito o te lalolagi, ne gaki mai i ei a te Atua mo ana fuafuaga, mo tena palani fakaola ke faka-galue mo tino o te lalolagi. A Iosefa ko te tamaliki a Iakopo (Mata.1:16), ne vau mai te gafa o Tavita (Mata.1:20) kae se tagata e matakua ki te

ko te faifekau faka te agaga a te Atua. E pela mo tala i Pateleake (Kene.16:7-14;19:1-22; 22:11, 15-18) ke oko ki fekau ki nisi tino (Eso.3:2; 23:20-23; 33:2; Fama.13:3-5; 1Tupu.19:5-7; 2Tupu.19:35; Isa.37:36). A faifekau konei e seai ne foitino o latou kae e foliga pela mene tino i nisi taimi. A agelu e uke a olotou galuega, e viki ki te Atua (Sala.103:20; ko faifekau a te Atua ki te lalolagi (Luka.1:11-20, 26-38; 2:9-14), e onoono kae tausi ki tino o te Atua. (Sala.91:11-12), e fakaaoga foki i nisi taimi ke fakaoko ne latou te fakamasinoga a te Atua (Mata.13:49-50).

Lesona:

A tausi mamoe e nofo ite vao, ite po kae fakaasi atu te agelu mo te fekau kia latou me ko fanau te Pepe o Peteleema ite fakai o Tavita. Te agelu, ko te avefekau ate Atua. Ite mataupu silisili, a Iesu kote Fakaola, ko ia foki ko te Keliso, te Atua Fauu kae fakata-pu, ko te Mesia. A Ia foki ko te Aliko. Muna te agelu, ka maua atu ne koutou te tamaliki e pulupulu ki laugatu, kae e fakamoe aia i loto ite tali fagai manu.

Mea a'koga mo fakamāina ei a te mataupu:

Ata 55

Fakatomuaga:

Kafai a te po ko pouli aka loa kae 'nofo tatou i te vao, kae sae fakavave mai se mainaga pula kae lasi, mata tatou e poi kae ma'taku?

Akoakoga:

A fakaasiga katoa konei ne 'tupu, ne mea katoa e molimau mai ne latou a te 'kese mo te 'malu o te tamaliki tenei ka fanau mai. Ko 'kese mai fanaumaiga o tino katoa kola ne fanau mai mua o Iesu, kae ke oko foki loa ki aso nei, seki ai loa se tino ne fanau mai ke isi ne fakaasiga pela mo fakaasiga konei ne 'tupu i te taimi ne fanau mai ei a Iesu. A tausi mamoe kaati ne 'poi katoa kae matakau me sea la a te mainaga lasi tenei ko maina mai luga o latou. Ne 'poi foki me ko sae mai a te agelu o folafola mai a te Tala 'Lei ki a latou e uiga mo Iesu. Tamaliki, a te Tala ne aumai ne agelu ki tausi mamoe, e tenei eiloa koi tumau a tena folafola mai ke oko ki te taeao

Pese: I have a Friend/ Nothing but the Blood

Talosaga:

Iesu fesoasoani mai kia matou fanau ke iloa ne matou me ko koe ko te pule aoao o omotou olaga, Amene.

FAKAMATALAGA O TE FUAIUPU TAULOTO: LOMA 8:28

"I te mea e iloa ne tatou i te Atua e ga'lue fakatasi mo tino kola e a'lofa kia ia, ko latou eiloa kola ne kalagagina mo tena galuega"

Fakatomuaga:

Kai faka fesili aka loa ne koe me kaia a mea e tupu nei se tupu ki mea kola e loto tatou kiai? Se taumate se tino i te tou kaiga e masaki io me ko galo atu.

E mata te Atua e nofo loa i tena tulaga pule? Onoono me sea te 'mau mai loto i te tusi tapu.

Fakamatalaga:

ITE MEA E ILOA NE TATOU ME I MEA KATOA TE ATUA E GALUE FAKATASI__T e Atua e pule i mea katoa e tupu. E fakaaoga ne ia mea katoa, me ne mea lei io me ko mea masei ke fakataunuu tena palani mo tou olaga.

TINO KOLA E ALOFA KIA IA, NE ANA KALAGAGINA MO TENA GALUEGA__Te Atua ne fai mai me kafai e alofa koe kia ia kae ola ne koe te mea tela e loto a ia kiai, aia ka galue mote lei motou olaga te fanau.

Mea akoga mo fakamaina ei te mataupu:

Se pepa mo tusi iei te Fuaiupu Tauloto

Pese: I believe/ Nothing but the Blood

Talosaga: Te Aliko, fesoasoani mai kia matou fanau ko te mea ke iloa ne matou me i te koe e galue mo te lei mo latou kola e a'lofa kia koe,

amene.

ULUTALA 6: KO MUIMUI TINO KI TE ATUA

Pogai: Fesoasoani ki tamaliki ko te mea ke malie ki mea e tuku atu ne te Atua

Tusi Faitau: Esoto 15:22—16:36

Fakatokaga mo Faiakoga:

I te taimi kooti ei ne olo tefanauga Isalaelu i loto i te tai kula, te fanauga Isalaelu ne olo iloto i te toafa iloto i te 3 o aso tela e seai loa ne vai ne maua (15:22). Tino ne fakaasi olotou se fiafia kia Mose i te mauaga ne latou te vai kona i Mala tela e se mafai ne latou o inu (15:23-24). Ne fakaasi ne te Aytua te lakau kia Mose tela ne pei ei me Mose ki loto i te vai ko te mea loa ko se kona tela ko mafai ne latou o inu (15:25). I loto foki loa I te toafa, ne faifai muna tino ona ko mate i te fiakai (15:27—16:3). Te Atua ne fai kia Mose me ka tausi io me ka tuku mai ne ia meakai tino Isalaelu (16:4-5). Mose mo Alona ne faka tonu atu ki tino e uiga mo te lotou muimui kae fakaasi atu ki tino e uiga mo te fakatokaga a te Atua (16:6-9). I te afiafi ne eva mai fui-fuiga salu kae i te taeao falaoa mai te lagi ne too ki te laukele (16:13-15). Ne fakamalamalama ne Mose ki tino tulafono ki te taega o Falaoa (16:16-31).

Mea akoga mo fakamaina ei te mataupu:

Flashcard 6:1—6

Fakatomuaga:

E mautinoa loa me i te fanauga Isalaelu e tautali i te Aliko e aunoa mo te muimui, io me isi aka sua mea?

Akoakoga:

Tamaliki, e lavea ne taua fanau i te muimui o tino Isalaelu manafai kooko latou ki te fakalavelave. Te Atua e manako ko tatou ke ola ise olaga malie ki te fakasoa a te Atua mo koe mo au kae ke moa tatou e ola i te olaga muimui, aua me ia ia e lavea ne ia tulaga ko oko koe kiei kae alofa kia koe mo au. A te malie o koe e fakaasi ei me ia koe e tali-

- Tauloto a te Fuaiupu Tauloto
- Faifesili mo tamaliki ki fesili kola e autu tonu ki te ulutala o te aso nei. Fakafesili ki tamaliki taki tokotasi me mata la nei seâ a te finagalo o te Atua mô latou?

Pese: When the Saviour calls

Fuaiupu Tauloto: Mataio 1:20“Iosefa te mokopuna o Tavita, sa matakou o fai Malia mo fai tau av-aga, i te mea ko faitama i te Aga-ga Tapu”.

Talosaga:

Fakafetai lasi te Atua alofa mo 'tou alofa tumau mo matou, kae maise ko te tuku mai ne koe o tau tama fagasele ke mate mo omotou agasala ke fakamagalogi-na. Fakamanuia mai mo matou ke fai matou mo tamaliki e ola talitonu ki a koe i aso katoa o motou olaga, ona ko Iesu. Amene.

Ulutala 18: KO TE FOLAFOLĀGA KI TAUSI MAMOE

Pogai: Ke fakamatala ki tamaliki me ne fakaasi foki ne agelu ki tausi mamoe i te vao me ko fanau mai a Iesu, te Fakaola o te lalolagi

Tusi Faitau: Luka 2:8-20

Fakatokāga mô Faia'koga:

A tausi mamoe o Palesitaina e fakatulaga me ne tino mativa, e nofo ki te taki selau a olotou mamoe e tausi. Te mamoe se manu e lauiloa a tona aoga i fenua konei ona me maua i ei a olotou sene; e fakaaoga a olotou fulufulu mo faite a gatu moko, ako susu e fakaaoga mo inu, mo fai foki a meakai. A pakili e fakaaoga mo faite a taka mo gatu ako kano mo kai, ako sinu e fakaaoga mo fai a nisi meakai. I te sua feitu, a tausi mamoe e galue malosi o sala a koga mo fagai kae fainu a olotou manu, ona mene koga lavaki kae se ola lei a mouku me se uke a vai. Te galuega faigata a tausi mamoe ko te tausi fakalei a olotou mamoe mai i manu fekai mo tino kaisoa fakatasi i ei mo te tau moko. A te galo o se mamoe e tasi se matua mea faka-fanoanoa ki te tausi mamoe. A te uiga o te muna 'Agelu' i te gana Eleni se "faifekau". Te agelu

fakamaonia ne Ana mo Simiona a te fanau mai o te Mesia kae ne 'tao atu mo tena muna ki a Malia penei: "A tou fanoanoa ka fakatusa ki se pelu mata kai, ka suki ne ia a tou loto" (Luka.2:35).

Lesona:

Te fanau mai o Iesu e kese mai i te fanau o tino katoa. Malia ko filigina me ka fanau mai ne ia Iesu, te Fakaola. Kae ko ia ka faitama ite agaga tapu. E fa-kaofogina te tulaga tenei, kae ne faigata foki kia Iosefa ona me ese mala-malama ite fakasiga tenei ne oko kia Malia. On ko tu mo faifaiga, tela ne faigata iei o talia ne Iosefa, kae ne mafaufau ke mavae laua mo Malia. I taimi tonu e iloa tenei, ne oko mai iei te fakasiga ate Aliko kia Iosefa ke avaga ne ia a Malia, me ko faitama ite agaga tapu, kae ka fanau ne ia te tama tagata, kae ka fakaigoa kia Iesu, me ka fakaola ne ia a tino katoa. Malia ne matakū, kae ne fakamalosiaina ne te agelu, kese matakū, me ko oti ne filifiligina aia mai i loto I te tokoukega o fafine.

Mea a'koga mo fakamāina ei a te mataupu:

Ata #53

Fakatomuaga:

Tamaliki, koutou e isi katoa ne outou tamana. Ia kae nei, koutou ka fakalo-gologo ki te tala o te tamana o Iesu tela ko Iosefa.

Akoakoga:

A Iosefa ne kalagagina ne te Atua ke fai a ia mo avaga a Malia, me ia Malia ka fanau mai ne ia se tamaliki tagata, kae ke fakaigoa ne laua ki a Iesu, me ka fa-kaola ne ia a tino katoa mai i olotou agasala. E lua a akoakoga tāua e maua ne tatou i te tala o te taeo nei:

1. Ko te filifiliga a te Atua
2. Ko te fakalogo o Iosefa

A tatou taki tokotasi, e filifiligina katoa ne te Atua i 'tou olaga ke fai ne tatou ne tusaga tāua mô ia i te lalolagi nei, kae manakogina la iei ko tatou ke faka'logo ki te Atua o fai tena finagalo pela mo Iosefa.

Mea fai a Tamaliki:

tonu 'patonu ki te Aliko mo tena fakasoa.

Fuaiupu Tauloto: Filipi 2:14 "Ke fai a mea katoa e aunoa mo te muimui io me ko te kinau".

Pese: Nothing but the Blood/ I have a Friend

Talosaga:

Iesu, fakamolemole alofa mai kia matou ke ola matou i te olaga malie ki tau tuku mai kia matou, Amene.

FAKAMATALA TE FUAIUPU TAULOTO: FILIPI 2:14

" Ke fai a mea katoa e aunoa mo te muimui io me ko te kinau"

Fakatomuaga:

(Se tokolua tamaliki ke act ne laua e muimui: Muimui euiga mo meakai, io me ko te faiakoga etc) E mata e iloa ne koe se fuaiupu i loto i te tusi tapu e faipati ki luga i te muimui io me faifaimuna?

Fakamatalaga:

KE FAI A MEA KATOA__Te fuaiupu tenei se fakatonuga mai te Atua. A ia e fai mai me e fai ne koe pefea a mea i te olaga nei. E isi ne mea e manako koe o fai ka ko nisi mea ese manako koe o fai ne koe kae muna a te Atua me e tau o fai ne koe a mea katoa.

E AUNOA MO TE MUIMUI IO ME KO TE KINAU__Te Atua e manako ko koe ke se muimui kae ke malie koe ki mea e maua ne koe.

Mea akoga mo fakamaina te mataupu:

Se pepa mo tusi te Fuaiupu Tauloto

Pese: Nothing but the Blood/ I have a Friend

Talosaga: Te Aliko, fesoasoani mai kia matou fanau ke ola matou i te olaga malie matou ki mea e maua ne matou, amene.

ULUTALA 7: KO FAIPATI TE ATUA I SINAI

Pogai: Fesoasoani ki tamaliki me i te Atua e manako ko tatou fanau ke ola ne tatou te olaga maa

Tusi Faitau: Esoto 17:1-7; 19:1—20:26

Fakatokaga mo Faiakoga:

I Lefiti ne muimui tino Isalaelu kae kaitaua kia Mose ona me seai ne vai (17:1-4). Ne talo a Mose kae mai te fakatonuga a te Aliko ne kini ei ne ia te kaupapa tela ne aumai ne te Atua te vai mai te kaupapa (17:5-6). Ne fakaigoa ne Mose te koga tena ko Melipa (17:7). I Sinai Mose ne fetau mo te Atua kae ne tuku nete Atua te feagaiga mo ana tino (19:1-6). A tino ne fiafia kae ne fai me ia latou ko tausi fakalei ki fakatonuga a te Atua (19:7-8). Te Atua ne fakatonu ki Isalaelu ke fakatoka latou me ka tuku mai tulafono (19:9-15). Ne fakaasi nete Atua a tena malu mo tena tapu ki tino (19:16-25). Ne ave nete Atua ana tulafono ki tino (20:1-17). A tino ne matakou te taimi ne lavea ei ne latou te malu o te Atua I te mauga, ka ko Mose ne fakailoa ne ia ki te fanauga Isalaelu te pogai ne fakaasi ei tena malu (20:18-20).

Mea akoga mo fakamaina ei te mataupu:

Flashcard 1:1-6

Fakatomuaga:

Kafai e onono koe ki te kilo, sea tau mea e lavea?

Akoakoga:

Tamaliki, e lavea ne tatou mai te tala ne fai te fakatonuga a te Atua kia Mose a mea kola e tau o fai ne tino manafai ko vau a ia kia latou. Muna te Atua, fai ki tino ke 'taa olotou gatu kae fakatoka latou. Se too mai pili ki te mauga io me patele ki te tafito o te mauga. Te tino e soli ne ia mea konaa, ka mate. Tamaliki, mea nei ne fakaasiga ate tapu mo te mana o te Atua. Ona tino ne tino agasala ka ko ia se Atua e tapu kae maa telala tena te mea e aumai a fakatonuga konaa. Fanau, ona te Atua se Atua e tapu, telala e manako a ia ke ola ne tatou te olaga tapu, kae fakafetai tatou ki te Atua mo tena mealofa ko Iesu tela ne tuku mai ke mate ke fakamagalogina ei tou agasala manafai koe e talitonu kia Iesu.

Fuaiupu Tauloto: Levitiiko 20:7 "Tausi otou foitino ke 'malu, me ia

Pese: Ne nonofo i te vao leoleo mamoe

Fuaiupu Tauloto: Luka 1:31 "Kiloke, a koe ka faitama, ka fanau ne koe se tama tagata, kae ka fakaigoa ne koe a ia, ko Iesu."

Talosaga:

Te Atua te motou Tamana alofa, fakafetai kooti ne fakalogologo matou i tala ote fanaumaiga mo te tupuakega o Iesu, te motou Fakaola. Akoako mai matou, ke kilo atu matou ki a koe Iesu te Fakaola o matou, kae ke ola matou o fai te mea tela e loto koe ki ei, Amene.

Ulutala 17: KO TE FOLAFOLĀGA KI A IOSEFA

Pogai: Ke akaoko a tamaliki ke iloa ne latou me ia Iosefa ne kalagagina ne te Atua ke fai mo tamana o Iesu.

Tusi Faitau: Mataio 1:18–25

Fakatokāga mô Faia'koga:

A Iosefa ko te tamaliki a Iakopo (Mata.1:16), ne vau mai te gafa o Tavita (Mata.1:20) kae se tagata e matakou ki te Atua (Mata.1:19). A Iosefa ne avaga ki a Malia ako la tama ko Iesu, Iakopo, Iosefa, Simiona, mo Iuta; kae e isi foki ne olotou tuagane (Mata.13:55-56). A Iosefa ko te tamana o Iesu (Luka.4:22; Ioa.1:45; 6:42). E isi se fakasalaga e mafai o oko ki se tamafine tela e fai feagaiga ke avaga kae moe mo te sua tagata mai lalo o tulafono faka-Iutaia (Teu.22:23-24). A Malia e seki moe mo se isi tagata tenei ne faitama i ei; a ko Iosefa ne manako o lepe malie tela feagaiga mo Malia me ko faitama, kae e se iloa ne ia me ne faitama iai. Fakamuli ifo ne maina lei a ia e uiga mo te mea ko tupu i te fakaasiga tela ne fakaoko atu ki a ia i te moemiti, tela ne avaga ei a laua. A Mataio (1:18-25) mo Luka (1:26-56; 2:1-38) e kesekese a tala a laua e uiga ki te fanau mai o Iesu kae ko laua foki loa konei ne avake ne laua te tulaga "tamafine" o Malia. A Malia ne talia ne ia te fekau a te Atua i tona talitonu i a ia se tavini a te Aliko (Luka.1:38). Ne fakafetai ne Elisapeta a tena kaiga ko Malia ki muna faka-amutia penei: "Amutia koe i fafine ka-toa" (Luka.1:42). Ne ave ne ia a tena tama ki te faletapu kae ne

Lesona:

Mai tua ote ono masina ne fakaasi atu iei a Kapilielu kia Sakalia, ako Elisapeta e faitama iei, ako ono ana masina. Ne oko foki tefakaasiga mai ite agelu ko Kapilielu kia Malia ite fakai o Nasaleta, i Kalilaia. A Malia, tela se taupou kae ko nofo nei mo Iosefa. Iosefa se tino mai ite gafa o Tavita. Aia se kapenita kae ne fakatonugina aia ne te Aliko i tena miti, ke fai ne ia a Malia mo fai tena avaga. Te agelu tela ne vau mote fekau kia Malia, ne seki ifo kia ia, kae ne fakatalofa atu fua kia Malia. Ne fai atu kiei te agelu, ia ia ko oti ne filifiligina ke fai mo matua ote Fakaola.

Mea a'koga mo fakamāina ei a te mataupu:

· Ata #51

Vitio kaseti (mafai e isi e toka)

Fakatomuaga:

Mata e isi se tino ne vau ki te lalolagi nei i se auala fakaatea me ko tatou ne fa-nau katoa mai ne 'tou matua? Te mea e 'kese iei a Iesu, me koi tuai a ia o fanau mai kae e isi ne fakaasiga io me ne fakailoaga ne oko mai ki ona matua.

Akoakoga:

Tamaliki, a te fanau mai o Iesu, e 'pau e iloa mo te fanaumaiga o tatou katoa mai 'tou matua, kae e 'kese fua me ona koi tuai a ia o fanau mai, kae ko oti ne fakailoaga ne te avefekau a te Atua ki a Malia me ka fanau mai ne ia a te Fakaola. Ne filifiligina a Malia ne te Atua kae ne fakaoko mai a tena fekau e auala i te agelu. Te mea taua ke iloa ne tatou i konei, me i te Atua e pule ia tatou, e iloa foki ne ia a mea ola e fai ne tatou. Ona la ko Malia, se fafine e 'gali ona uiga, kae fai foki ne ia a te loto o te Atua, tela ne filifiligina ei a ia ne te Atua ke fai mo matua o Iesu, te Fakaola o te lalolagi. Kae ne tupu ake foki a Iesu, ne tausi faka'lei ne ia, ne putiputi ake ne ia ke oko e iloa ki tena matua. A tatou foki e mafai o filifiligina ne te Atua ke fai ne tatou ne tusaga lasi kae taua mō ia manafai e ola tatou o fai tena finagalo i 'tou olaga.

Mea fai a Tamaliki:

· 'Kala fakagaligali a te ata #51

au ko te Aliko te otou Atua"

Pese: My God is so great/ Trust and Obey/ It's a big, big world

Talosaga:

Iesu, fesoasoani mai kia matou fanau ko te mea ke ola ne matou te olaga maa kae tapu, Amene.

FAKAMATALAGA O TE FUAIUPU TAULOTO: LEVITIKO 20:7

"Tausi otou foitino ke 'malu, me ia au ko te Aliko te otou Atua"

Fakatomuaga:

E mafai ne koe pefea o iloa me i te tino tela se Kelisiano? (se tino talitonu kia Iesu Keliso). Nea aka a mea e lavea ne koe i te tino tela e mafai o iloa ne koe me ia ia tena se Kelisiano? (Tuku ki tamaliki ke tali ne latou). Kafai koe se Kelisiano, e mafai ne tino o lavea me ia koe se Kelisiano? Te fuaiupu Tauloto e fakamatala ne ia me se vaega tino pefea te Kelisiano.

Fakamatalaga:

TAUSI OTOU FOITINO KE 'MALU__Ke faka'malu otou foitino ko te fakamavae keatea mai mafauauga se lei, muna mo faiga ko te mea ke ola ne koe te mea tela e loto kiai te Aliko.

KAE KE TAPU KOUTOU ME IA AU KO TE OTOU ATUA__Ko koe ke tapu tena uiga ko koe ke maa i mea kola e fai ne ia koe ke agasala. Te Atua e manako ko ana fanau ke lavea tena tapu i otou olaga.

Pese: My God is so great/ Trust and Obey/ It's a big, big world

Talosaga: Te Aliko, fesoasoani mai kia matou fanau ko te mea ke iloa ne matou ia koe te Aliko e manako ke ola matou i te olaga maa.

ULUTALA 8: TINO KO TAPUAKI KI NISI ATUA

Pogai: Fesoasoani ki tamaliki ke iloa ne latou me ko te Atua fua to-kotasi e `tau o tapuaki tatou kiai

Tusi Faitau: Esoto 24:12-18; 31:18; 32:1—33:10; 34:12-14

Fakatokaga mo Faiakoga:

Ne fai te Atua kia Mose ke fanatu ki luga i te mauga o Sinai ke ave a te tulafono mo ana tino (24:12). Ne tuku ne ia Alona ke onono ki tino kae fanake a ia kiluga i te mauga o fakafetaui ki te Atua kae ke tuku atu foki a tulafono mo niisi fakatonuga i mea tau tapuakiga ki te Atua (24:13-18; 31:18). Ko fitaa tino Isalaelu i te fakataliga kia Mose tela ne fai atu latou kia Alona ke faite se atua mo olotou tapuaki (32:1). Ne faite ne Alona te tupua aulo mai ligi aulo kola ne tuku atu ne tino, kae ne fai kia latou ke tapuaki ki te tupua faite (32:2-6). Ne fakailoa ne te Atua kia Mose a te agasala a tino tela ne talo a ia mo latou, kae ne fakamolemole a ia ki te Atua mo ana tino (32:7-14). Ne foki ifo a Mose mo te kaitaua kae fakatonu atu ki tino ona mo te lotou mea `se ne fai (32:15-29). Ne taliagina ne te Atua te fakamolemole a Mose mo ana tino (32:30—33:7).

Mea akoga mo fakamaina ei te mataupu:

Flashcard 2:1-6

Fakatomuaga:

Iosua ne onono ifo mai te mauga. Nea a leo kola e lagona atu?

Akoakoga:

Tamaliki, mai te tala e lavea ne tatou me i tino kola ne alofa tonu te Atua kiai, tela ne fakasaoloto ne ia mai Aikupito ko faite ne latou te tupua mo tapuaki latou. E lavea ne tatou a te kaitaua o te Atua ki ana tino aua me i te ia e manako ke tapuaki atu a tino kia ia. Fanau, tenei foki loa te mea e manako kiai te Atua kia koe mo au, ko koe ke tapuaki fua kia ia kae se ki niisi atua io me se isi mea aka. Sose mea tela e fakataua ne koe i tou olaga, a te mea tena se atua kia koe. Te Atua e manako ko ia ke fakataua ne koe i tou olaga.

Fuaiupu Tauloto: Epelu 12:28 "Ona me ko maua ne tatou te malo tela ese mafai o lulugina. Ke fiafia la tatou kae tapuaki atu ki te Atua i

Mea fai a tamaliki:

Lomi te ata o Iesu I tena toetu mai te mate

Fuaiupu Tauloto:

Maleko 16: 6 "Ne fai mai a te tino tena kia latou, ana muna, sa `matakū. A koutou e `sala kia Iesu te Nasaleta tela ne fakasataulo. E se I konei, ko oti ne toetu..."

Pese: OH! HOW I LOVE JESUS...

Talosaga:

Fakafetai te Atua mo te manumalo e auala I te toetu ake koe mai te mate te la ko mafai ne matou o manumalo I omotou olaga sasaele mo koe,

MANATU FAKAVAE – KILO KI A IESU

VAEGA 4 – KO TENA FANAU MAI

Ulutala 16: KO TE FOLAFOLĀGA KI A MALIA

Pogai:

Ke akoako a tamaliki ke iloa ne latou a te fanaumaiga o Iesu fakatasi foki mo tena tupuakega.

Tusi Faitau: Luka 1:26–38

Fakatokāga mô Faia'koga:

Mai tua ote ono masina ne fakaasi atu iei a Kapilielu kia Sakalia, ako Elisapeta e faitama iei, ako ono ana masina. Ne oko foki tefakaasiga mai ite agelu ko Kapili-elu kia Malia ite fakai o Nasaleta, i Kalilaia. A Malia, tela se taupou kae ko nofo nei mo Iosefa. Iosefa se tino mai ite gafa o Tavita. Aia se kapenita kae ne fa-katonugina aia ne te Aliko i tena miti, ke fai ne ia a Malia mo fai tena avaga. Te agelu tela ne vau mote fekau kia Malia, ne seki ifo kia ia, kae ne fakatalofa atu fua kia Malia. Ne fai atu kiei te agelu, ia ia ko oti ne filifiligina ke fai mo matua ote Fakaola.

Talosaga:

Fakafetai te Atua mo te loto malosi o Iesu ke fakafeagai ne ia a puapuaga kola ne `tau o pakuu kia au te tagata agasala., I te igoa o te motou Aliko ko Iesu e tinoga atu ei matou nei, Amene.

Ulutala 15: KO TE TOETU MANUMALO O IESU KELISO MAI TE MATE

Pogai: Ke fakaasi io me fakamautinoa ki tamaliki me ia Iesu ne toetu mai ake loa mai te mate

Tusi Faitau: Maleko 16: 1—8

Fakatokaga mo Faiakoga:

Te toetu manumalo o Iesu ko te toe fakamoemoega ola loa o te Kelisiano me ona a Iesu ne toetu, telala tatou e toetu fakatasi mo ia manafai e talitonu `patonu tatou ki tena mate mo tena toetu manumalo (1 Kolinito 15:1—7). Tenei te `kesega a te talitonuga Kelisiano mo niisi talitonuga, aua me I niisi talitonuga, a tino kola e talitonu latou kiai ne seki toetu ake mai te mate, ka ko te tala ne lavea ne tatou mai te tusi faitau me ia Iesu e galo I loto I te tanuga e fakaasi mai iei, me ia ia ne toetu mai loa mai te tugamau.

Mea akoga mo fakamaina ei a te mataupu

Te ata o te toetu o Iesu

Fakatomuaga:

E mata e isi se tamaliki kai logo me isi se tino ne toetu ake mai te ate. Ia fakalogo mai ki te tala o te tino tela ne toetu ake mai te mate.

Akoakoga:

Tamaliki ko te mea ke talitonu `patonu tatou me ia Iesu Keliso ne toetu ake e iloa mai te mate ke mafai o fakaola koe mo au mo tino ka-toa. E manakogina e tamaliki ko Iesu Keliso ke ola iloto I taa olaga e auala I te talitonu io me talia ne taua a ia ki taa olaga ko te mea ke mafai ne taua o fai te finagalo o te Atua.

te loto fakaaloalo mo te matakū”

Pese: My God is so great/ Nothing but the blood/ It’s a big, big world

Talosaga:

Iesu, fesoasoani mai kia matou tamaliki ke tapuaki fua matou kia koe te Atua tokotasi i omotou olaga, Amene.

FAKAMATALAGA O TE FUAIUPU TAULOTO: EPELU 12:28

“Ona me ko maua ne tatou te malo tela ese mafai o lulugina. Ke fialia la tatou kae tapuaki atu ki te Atua i te loto fakaaloalo mo te matakū”

Fakatomuaga:

Kafai koe ne kami ke fetau koe mo te pelesitene io me ko te tupu ose malo, e mata e pefea ou lagona? Nea foki au mea e fai?. E mata e tele ki loto i te potu kae katakata? Ikai, toku talitonu a koe e nofo malie kae fakaasi ne koe te aava. E ave ne tatou te aava ki takitaki i konei, kae e `tau foki o lasi atu te aava ki te Atua. Te fuaiupu Tauloto I te aso nei e fakailoa mai te auala e tau o tapuaki kae tavini tatou kia ia.

Fakamatalaga:

ONA ME KO MAUA NE TATOU TE MALO__Te malo tenei e maua mana fai ko talitonu koe kia Iesu

KE FIAFIA LA TATOU KAE TAPUAKI __Kafai e iloa ne koe me ko maua ne koe te malo, te olaga e `tau o oko kia koe mo au ko te fialia

..ITE LOTO FAKAALOALO MO TE MATAKU__Fakaaloalo tena isi uiga ko te aava. Te matakū ki te Atua se ko tena uiga ko te matakū o koe ki te Atua, kae ko te ofo o taua kia ia ona mo ona tulaga.

Mea mo fakamaina te mataupu:

Se pepa e tusi ei te Fuaiupu Tauloto

Pese: My God is so great/ Nothing but the blood/ It’s a big, big world

Talosaga: Te Atua fesoasoani mai kia matou tamaliki ke tapuaki fua

kia koe tokotasi te Atua tonu, Amene.

ULUTALA 9: SIPAI KO ILOILO KANANA

Pogai: Fesoasoani ki tamaliki ke tumau te talitonu ki te Atua

Tusi Faitau: Numela 13-14

Fakatokaga mo Faiakoga:

Ne uga ne Mose te took sefulu lua sipai ke iloilo Kanana mai te manakoga o tino (13:1-20). Te lipooti a sipai i te foki maiga i te iloiloga o Kanana e fai me i te laukele e lelei ka ko tino e nofo iei ne tino mafi kae lasi ka ko te fakai foki e pui (13:21-29). Te tokosefulu e fai me se mafai, ka ko Kalepo ne fai me mafai ne latou o puke te laukele (13:30-33). Tino matakonei ne `teke ki te Atua e pela foki mo olotou taki-taki (14:1-4). Iosua mo Kalepo ne fai ki tino ke talitonu ki te Atua ke puke te laukele, ka ko tino se talitonu ne manako ke `taa ne latou a Kalepo mo Iosua (14:5-10). Mose ne fakatagi atu ki te Alike ke alofa ki ona tino ona mo te tulaga se talitonu (14:11-19). Muna te Atua me ia Isalaelu ka takasese iloto I te 40 tausaga I te koga lavaki ke oko ki te taimi e mate ei tupulaga matua, ka ko te isi tupulaga ka ulu ki loto i Kanana (14:20-29).

Mea akoga mo fakamaina iei te mataupu:

Flashcard 3:1-6

Fakatomuaga:

E mata kai iloa aka loa ne koe se tino ko ia loa ko se fakalogo kae loto makeke?

Akoakoga:

Tamaliki, e lavea ne tatou mai te tala te se talitonu o tino Isalaelu ki te Atua. E ui kooko loa te uke o mea fakafoofogina ne fai ne te Atua mo latou, kae koi tumau loa te se talitonu ki te lotou Atua. Fanau, i te foki maiga a Sipai, ne pokotia a te tokoukega ona ko te mau a te tokosefulu kola ne fai me se maua ne latou o puke a Kanana ona ko te lasi o tino. Fanau te Atua e manako ko tatou ke tumau te talitonu ki te ia. Niisi taimi kooko loa te lasi o te fakalavelave e oko mai kia taua

Fakatokaga mo Faiakoga:

A uiga fakamotu loto, ko muna masei, muna loi mo amioga se tonu katoa ne fai kia Iesu I taimi o te fakamasinoga, te fakasalaga ke oko ki tona mate ko toe logo maega tafasili I te masei. Ka tuku tasi a mea katoa kona, fakatasi mo te mataga o tena mate I te sataulo ko taku a mea konaa ko te "sataulo" ne amo ne Iesu.

A te sataulo se lakau faka lava tela e fakasala I ei a tino tafasili I te masei a olotou uiga mo faiga,. Te sataulo e atagina I ei te mate fakalumaluma I tuu mo aganu faka Iutaia. Ne mafa malosia kia Iesu te sataulo o ia ona ko te vaivai o tona foitino I pago mo kini kola ne ave ne sotia Loma kia ia.

Mea akoga mo fakamaina ei te mataupu:

Ata I te fakasatauloga o Iesu

Fakatomuaga:

Kooi te tamaliki kooti ne lagona ne ia te tala I te fakasatauloga o Iesu? A te tala ka fakalogologo tatou kiei I te aso nei ko te tala o Iesu I te fakasatauloga ne sotia Loma. Mai tua o tena fakamasinoga ne te Kovana ko Pilato, ne iku ei ke fakasataulo.

Akoakoga:

E maina I te tala me ia Iesu ne fakasataulogina I tuapa o Kolokota. A puapuaga ne fakafeagai mo Iesu, fai mai mene talia katoatoa ne ia a ona puapuaga. I te taimi ne fakasataulo ei a Iesu ne seki fakafiti kae ne kufaki e iloa. Kafai e mafaufau tatou ki te mea ne fai ne Iesu, ailoga e isi se tino I te lalolagi tenei e mafai ne ia o fai pela mo Iesu. E seai se tino e mafai ne ia o kufaki a mea `see o nisi tino. E seai foki se tino e fiafia o mate mo te sua tino. Telala, e `tau mo tatou tamaliki o kufaki kae loto fakamagalalo ki nisi tino kote mea ke fiafia mai te Atua kia tatou.

Mea fai a Tamaliki

Usu pese

Fuaiupu Tauloto: Efeso 2:5

Pese: I have decided to follow Jesus

ka'laga mo te leo lasi mo laupaama I olotou lima, "ke manuia a te tupu tela e vau I te igoa o Tavita!" Ne uate a tino I Ielusalema ona ko te faifaiga tenei.

Fakatomuaga: Kai sopo aka koe I tua o te asini? Io me kai lavea ne koe se asini? Te aso tapu tenei, ko te tala I te ulu manumalo o Iesu ki loto I Ielusalema.

Akoakoga:

Ke fakaaloalo a tu tatou ki sose tino e taaua kii I tou olaga. E pena te malaga o Iesu e fakaataata ei tona loto mamlalo o ia tela ne fakaaoga ei ne ia te manu tenei ko te asini kae se ko te solofanua. Telala, tamaliki se tulaga ke ola te manatu tenei te lotomalalo mo te fakaaloalo I tou olaga sau katoa kae maise la ko tou fakaaloalo ki te Atua tela ko ia te tupu o tatou tino katoa.

Ke masaua foki ia taua tamaliki me ia Iesu ko tou fakaola tela ne mate mo fakamagalo tou agasala.

Fuaiupu Tauloto:

Faitau 8 –9e tokouke tino ne fola olotou gatu I te auala, ka ko nisi tino ne fati ne latou a kaula mo fola te auala. A te vaitino kola ne sa-saele I mua mo tua o Iesu, ne 'kalaga penei, "ke vikia te tama a Tavita. Ke manuia a ia tela e vau I te igoa o te Alik! Ke vikia te Atua.

Pese: Fili mai te tusi pese

Talosaga:

Te Atua, aumai kia matou se loto aava mo te fakaaloalo ke ola ia matou, amene.

Ulutala 14: KO TE FAKA SATAULOGA O IESU

Pogai: Ke fesoasoani ki tamaliki ke lavea ne latou a te faigata mo te 'mafa o te amoga ne amo ne Iesu kae maise a tona sataulo I tena auala ki Kalevalia

Tusi Faitau: Ioane 19: 16—27

tela i te taa mafaufauga me ko see mafai ne te Atua o fai, ikai, te fakamalosiga ko taua ke tumau te talitonu aua me seai se mea e faigata ki te Atua (Luka 1:37). A te Atua ko ia e pule i mea katoa ka ko ia foki ko te Atua mana te Atua malosi.

Fuaiupu Tauloto: Epelu 3:12 "Oku taina: fakaeteete ke seai se tino ia koutou na e maua ne te loto masei mo te se talitonu, tela e teka ei keatea a ia mai te Atua ola"

Pese: Good News to all the World/ One step at a time/ Trust and Obey/ It's a big, big world/ God want to spend time with just you

Talosaga:

Iesu, fesoasoani mai kia matou fanau ke tumau te motou talitonu kia koe te Atua, Amene.

FAKAMATALAGA FUAIUPU TAULOTO: EPELU 3:12

"Oku taina: fakaeteete ke seai se tino i a koutou na e maua ne te loto masei mo te se talitonu, tela e teka ei keatea a ia mai te Atua ola"

Fakatomuaga:

Warning! Fakamataku mai mua! Sea tou mafaufau manafai e lagona ne koe a muna kona? (*Fakamatala a uiga*). E mata e iloa ne koe me isi ne warning I te tusi tapu (ke tali ne tamaliki). I te fuaiupu Tauloto i te aso nei, te Atua e isi sena warning kia tatou kola e talitonu kia Iesu te fakaola.

Fakamatalaga:

OKU TAINA, FAKAETEETE_Te fuaiupu tenei e tusi ki taina, tuagane ia Keliso, ko tino talitonu. Fakaeteete ko tena uiga ko te mea ke faeteete.

KE SEAI SE TINO IA KOUTOU E MAUA NE TE LOTO MASEI O TE SE TALITONU_Muna te Atua me i ana fanau e nofo mo te tulaga fakamataku me oko te se talitonu ki olotou olaga

TELA E TEKA EI KEATEA A IA MAI TE ATUA OLA_Te se talitonu e fai

ne ia te fanau a te Atua ke mao mai te Atua ola, kae ke se alofa ki te Atua e pela mo te mea e masani saale o fai ne ia.

Mea mo fakamaina te mataupu:

Se pepa e tusi i ei te Fuaiupu Tauloto

Pese: Good News to all the World/ Trust and Obey

Talosaga: Te Aliko fesoasoani mai kia matou fanau ke tumau te talitonu o matou kia koe te Atua.

ULUTALA 10: MOSE KO AGASALA KI TE ATUA

Pogai: Fesoasoani ki tamaliki ko te mea ke talitonu kae fakalogo ki te Atua

Tusi Faitau: Numela 20:1-13, 22-29

Fakatomuaga:

Kai isi aka loa se taimi ne kaitaua koe kae fai ne koe se mea tela mai tua ifo ne salamo koe?

Fakatokaga mo Faiakoga:

I Katesa, ne muimui a tino Isalaelu kia Mose ona me seai ne vai, tela Mose mo Alona ne olo ki te Aliko ona ko te fakalavelave (20:1-6). Ne fai a te Aliko kia Mose ke puke te tokotoko kae ke faipati ki te kaupapa ko te mea ke Sali mai te vai (20:7-8). Ne faipati kaitaua a Mose ki tino Isalaelu kae kini ne ia te kaupapa ki te tokotoko fakalua, tela ne sali mai te vai mai te kaupapa (20:9-11). Ne faipati a te Aliko kia Mose mo Alona, ona me ia laua ne seki talitonu kia ia tela la laua ko se oko ki loto i te fenua ne tautogina (20:12-13). Te Atua ne faipati kia Mose ke puke Alona mo tena tama ko Eleasalo ki luga i te mauga ko Holo, kae fakapei atu a gatu o Alona faka faitaulaga ki tena tama ko Eleasalo ona me ia Alona ko pili o mate i luga i te mauga (20:22-26). A tino ne kilokilo kia Mose mo Alona mo tena tama i te ologa latou ki luga i te mauga (20:27). Ne fakapei ne Mose a gatu faka faitaulaga o Alona ki tena tama ko Eleasalo e pela loa mo te fakatonuga a te Atua

tama a te Atua, e `tau o talitonu koe mai tou loto. Koe e `tau o talitonu me ne mate a ia I te sataulo mo au agasala kae ne toetu ake mai te mate.

KA FAKAOLAGINA KOE_ Kafai e takutaku kae talitonu me ia Iesu, ko te tama ate Atua, ne mate kae toetu ake mai te mate, koe ka fakaolagina.

Mea akoga mo fakamaina te mataupu:

Pepa e tusi ei te Fuaiupu Tauloto

Pese: Good News to all the World/ One step at a time/ My God is so great

Talosaga: Te Aliko, fesoasoani kia matou tamaliki ke ola matou I se olaga folafola tou igoa Iesu, amene.

VAEGA 3: KO TE ULU MANUMALO, MATE MO TE TOETU MAI O IESU

Ulutala 13: KO ULU MANUMALO IESU KI LOTO I IELUSALEMA

Pogai: Ke atiake a te iloa o tamaliki me ia Iesu ko te fakaola o tatou

Tusi Faitau: Mataio 21: 1—11

Fakatokaga mo Faiakoga:

Te Ulumanumalo o Iesu ki loto I Ielusalem se ata tafasili I te gali tela e lavea iei a ia se tupu mo te Fakaola o te lalolagi. A Petefake (te fale mati) se fa`kai foliki tela e tuu pili ki te mauga o Olive te koga tela e lavea lei mai I konaa a Ielusalem. A te asini mo te tama asini ne aumai katoa kia Iesu mo sopo a ia iei (f.7) me "e manako ki ei te Aliko". Te mea tenei ne fai ne Iesu e fakataunu I ei a muna a te pelofeta ko Sakalia (9:9) me ko fakaasi ne Iesu me I te ia se tino o te filemu kae ese fakavae a tena malo ki malosi mo te fia maluga. E seai loa se fakaasiga o Iesu me I te ia se tupu, kae I te taimi ne sopo ei a ia iluga I te asini, a ona soko ne fola a gatu o latou I te auala kae

fakalogologo ki akoakoga a Iesu kae ke fakalogo tatou ki ai. E pela loa mo te tala ia Malia mo Maleta. Muna Iesu, toe mea taua loa tenei e fai ne Malia, tela ko te nofo i oku vae o fakalogologo ki aku akoakoga.

Fuaiupu Tauloto: Loma 10:9 "Ite mea kafai e folafola atu ne koe I ou laugutu a Iesu ko te Aliko, kae talitonu foki koe I tou loto, me I te Atua ne ana fakatugina a ia mai tino `mate, ka fakaolagina koe".

Pese: Good News to all the World/ One step at a time/ My God is so great/ Trust and Obey

Talosaga:

Iesu, fesoasoani mai kia matou tamaliki ke ola matou I te olaga fia fakalogologo ki tou leo kae maise ke fakalogo matou kia koe, Amene.

FAKAMATALAGA FUAIUPU TAULOTO: LOMA 10:9

" Ite mea kafai e folafola atu ne koe I ou laugutu a Iesu ko te Aliko kae talitonu foki koe I tou loto, me I te Atua ne ana fakatugina a ia mai te `mate, ka fakaolagina koe"

Fakatomuaga:

E tokouke e nofo mo olotou malamalama me mafai pefea latou o oko ki te lagi. Niisi e nofo mo te mau me ko te tausi ki tulafono. Niisi e fai mai ke fai ne latou a galuega lei. Niisi e fai mai ko te ave a mea ke uke ki tino mativa. Kae sea te `mau mai te muna ola a te Atua I te fuaiupu tauloto a tatou?

Fakamatalaga:

..KAFAI E FOLAFOLA ATU NE KOE I OU LAUGUTU A IESU_ Ke folafola ko tena uiga ko te faipati ne koe ki tino a te mea e talitonu koe kiei. Te fuaiupu tenei ko te tautooga a te Aliko manafai koe e takutaku ne koe me ia Iesu ko te tama loa a te Atua.

KAE TALITONU FOKI KOE I TOU LOTO ME I TE ATUA NE ANA FAKATUGINA A IA MAI TE MATE_ Kafai e fai ne koe me ia Iesu ko te

(20: 28).

Mea Akoga mo fakamaina iei te mataupu:

Flashcard 4:1-6

Akoakoga:

Tamaliki, e lavea ne taua mai te tala me ia Mose mo Alona ne seki talitonu kae fakalogo foki ki te Atua. Ne fai te fakatonuga a te Atua ke faipati fua ki te kaupapa. Ne kini ne Mose fakalua te kaupapa tela se ko te fakatonuga a te Atua. Ona ko te se fakalogo tela ne seki talia ei ne te Atua Mose mo Alona ke ulu ki loto i Kanana. Fanau te mea e manako kia te Aliko ko tatou ke talitonu kae ke fakalogo foki ki te ia i taimi katoa. Kanana ko te fenua o fakamanuiaga. A fakamanuiaga a te Aliko e aumai fua kia koe tela e fakalogo kae talitonu kia ia.

Fuaiupu Tauloto: Ioane 13:17 "Ko iloa nei ne koutou a te mea tonu; amutia koutou manafai e fai ne koutou"

Pese: Good News to all the World/ One step at a time/ Trust and Obey

Talosaga:

Iesu, fesoasoani mai ko matou ke fakalogo kia koe i te igoa o Iesu Keliso, Amene.

FAKAMATALAGA FUAIUPU TAULOTO: IOANE 13:17

" Ko iloa nei ne koutou a te mea tonu: amutia koutou manafai e fai ne koutou"

Fakatomuaga:

Sea te fakalavelave manafai e faite ne koe se sandwich mai loto ki tua, a te filling e tuku ne koe mai tua ka ko te falaoa mai loto? Kafai e iloa ne koe te mea e tau o fai, kae fai ne koe e lelei atu Tena te uiga otou Fuaiupu Tauloto.

Fakamatalaga:

KO ILOA NEI NE KOUTOU A TE MEA TONU_ Te Atua e manako ke iloa ne koe a mea kola e tusi I tena muna (Tusi Tapu).

AMUTIA KOUTOU MANAFAI E FAI NE KOUTOU_Kafai e iloa fua ne koutou a fakatonuga mo tautooga i loto i tena muna e see lava. E manakogina ko te mea ke fai. Muna a te Atua ia koe e manuia manafai e fai ne koe.

Mea mo fakamaina te mataupu:

Se pepa e tusi ei te Fuaiupu Tauloto

Pese: Good News to all the World/ One step at a Time/ Trust and Obey

Talosaga: Te Aliko, fesoasoani kia matou fanau ko te mea ke iai te talitonu kae fakalogo kia koe te Atua ola.

ULUTALA 11: MOSE KO SISI AKA NE IA TE GATA PALASI

Pogai: Fesoasoani ki tamaliki ke filifili o fakalogo ki te Atua ke maua ne latou te manumalo.

Tusi Faitau: Numela 21:1-9, 16-18

Fakatokaga mo Faiakoga:

Ne tuku ne te Atua te manumalo ki tino Isalaelu mai tino Kanana tela ne fakatakavale masei loa ne latou (21:1-3). Ne muimui tino ki te Atua mo Mose ona me seai ne vai kae ko fitaa foki latou i te kai ki te Manai te la e masani saale o tuku ne te Aliko kia latou (21:4-5). Ne fakasala ne te Atua tino Isalaelu, ne aumai ne ia a gata poisini ke uu ne latou tino Isalaelu tela e tokouke latou ne mate (21:6). Ne fakaasi a agasala a tino kia Mose kae akai kia Mose ke talo ki te Atua ke ave keatea a gata poisini konei (21:7). Ne talo Mose ki te Atua tela ne lagona gina ne te Atua tena talo (21:7). Ne fakatonu ne te Atua Mose ke faite se gata fiti kae ke sisi ki luga i se pou (21:8). Ne sisi ne Mose a te gata ki luga i te pou ko te mea ke lavea gina ne tino (21:9). Ko te tino tela e onono ki te pou tela e sisi ei te gata kose uu ne gata poisini.

Mea akoga mo fakamaina iei te mataupu:

te Aliko kae ke fakalogo foki ki te Atua

Tusi Faitau: Numela 27:12-23; Teutelonome 31:1-8, 11-12;34:1-12; Mataio 17:1-9

Fakatomuaga:

Kafai e maua ne koe tou avanoaga e toe tasi loa e fakamalosi ei ne koe se tino o tou kaiga io me ko tou taugasoa, sea tau fakamalosiga?

Fakatokaga mo Faiakoga:

Mose ko iloa ne ia me ia ia ko pili o mate ne fesili ai aia ki te Atua ke fili ne ia se tino tela ka taki ne ia te fanauga Isalaelu ki loto i Kanana (Numela 27:12-17). Te Atua ne fai kia Mose ke fili a Iosua ke fai mo takitaki tela ne fakalogo a Mose ki ai (27:18-23). Mose ne fakamalosi a tino ke talitonu ki te Atua kae ke loto malosai mai te takitakiga a Iosua ki loto i te fenua ne tautogina (Teutelonome 31:1-8, 11-12). Ne kake Mose ki luga i te mauga, onono ki te fenua ne tautogina, te mea loa ko mate tela ne tanu gina a ia ne te Aliko (34:1-12). I tausaga mai tua ifo te Aliko Iesu ne puke ne ia Petelu, Iakopo mo Ioane ki luga i te mauga (Mataio 17:1). Ne fuli ei a foliga o Iesu, tela ona mata mo tena gatu ne maina loa e pela mo te la (17:2). Mose mo Elia ne tuu mai kae faipati ki luga i te mateo Iesu (17:3). Petelu ne fakaasi a tena fiafia ona a ia e nofo i kona kae ne akai ke faite ne ia a fale e tolu. Ka koi faipati a ia kae fanake te kaumana kena iluga ia latou mo te leo e faipati "ko taku tama fagasele e fiafia au ki ei, ke fakalogo, la koutou ki ai"(17:4-5).

Mea akoga mo fakamaina ei te mataupu:

Flashcard 6:1-6

Akoakoga:

Tamaliki, kafai tatou e faitau fakalei loa i tusi kola ne avatu mo te mataupu tenei, e lavea ei ne tatou me ia Mose e lasi loa tena fakamalosiga ki tino Isalaelu ke fakalogo ki te leo o te Aliko kae ke fakalogo foki latou io me tautali ki fakatonuga a te Aliko. I luga foki i te mauga tela ne fuli ei a foliga o Iesu, ne faipati mai foki te leo mai te lagi " me ko taku tama fagasele loa tenei e fiafia au ki ei, ke fakalogo la koutou kiei" E fakamanatu mai foki mai te leo ko te mea ke fakalogo kia Iesu. Fanau, tenei loa te manakoga o te Aliko mo tatou, ko tatou ke fiafia o

o fakaola te lalolagi”

Fakatomuaga:

“Koe fakatali loa ke oko mai tou tamana!” Kaati e logo saale koe i muna penei e fai saale ne tino, pela mese feagaiga o te fakasalaga a te tamana ki tena tama ona ko ana mea ne fai. Niisi tino e mafaufaua me tenei te pogai ne uga mai ei nete Atua te tamana tena tama ki te lalolagi nei ke fakasala tatou ona ko tou agasala. Ka ko te fuaiupu Tauloto i te taeao nei, e fakaasi mai kia tatou te pogai tonu o tena vau.

Fakamatalaga:

MENE SEKI UGA MAI NE TE ATUA TENA TAMA_Te Atua ne uga mai ne ia tena tama, ko Iesu Keliso, mai te lagi ki te lalolagi. A ia ne vau ki te lalolagi e auala i te fanau mai.

O FAKAMASINO TE LALOLAGI_Tino katoa ko nofosala i mua o te Atua ona ko te agasala. Tino katoa ko `tau o fakasalagina. Ka ko te Atua ne seki uga mai gina ne te Atua o fakasala tatou.

KAE O FAKAOLA TE LALOLAGI_ Te Atua ne uga mai ne ia tena tama ke mate mo tatou. Ite taimi ne mate Iesu I te sataulo, ne togi i luga i tena mate tou agasala tela ko mafai o fakamagalagina ei tatou ko mafai koe o fakaolagina mai te fakasalaga tela ne `tau o `paku kia tatou.

Mea mo fakamaina te mataupu:

Se pepa e tusi iei te Fuaiupu Tauloto

Pese: Good News to all the World/ One step at a time/ Nothing but the Blood

Talosaga: Te Aliko, fesoasoani mai kia matou fanau me i te manumalo e maua ia koe te Aliko, amene.

ULUTALA 12: KO FAIPATI MOSE MO IESU

Pogai: Fesoasoani ki tamaliki ke masani o fakalogologo ki te leo mai

Flashcard 5:1-6

Fakatomuaga:

Fai mua ake pela me isi se tino ne fakaasi atu kia koe te auala fai-gofie e mafai ei koe o oko kise koga tela ne seki oko ake loa koe kiei muamua.

Akoakoga:

Tamaliki, e lavea ne tatou mai te tala, tino Isalaelu ko tiakina ne latou te mauga o Holo tela e uke fakalavelave ne oko kia latou. Ne oko kia latou te olaga muimui, se talitonu, kaitaua mo te se fakalogo, kae ne fai foki te Atua kia Mose me ia ia se ulu ki loto i Kanana. Nei, ko olo te lotou malaga, kae ski leva ko fepaki foki latou mo te sua fakalavelave. Ne iloa ake nete tupu o Alata te fakai i Kanana me i tino Isalaelu ko olo ki te fakai e tasi o Kanana tela ne faitaua atu ki ei kae ne puke ne ia ne tino o fakapagota. Ne tagi tino Isalaelu ki te Atua mo se fesoasoani. Ne tauto latou ki te Atua me kafai e avatu ne te Atua te manumalo, latou ka `ta fakapalele ne latou tino Kanana. Ne lagona ne te Aliko te talo a latou tela ne tuku atu ne te Aliko te manumalo. Fanau, e lavea ne tatou me kafai koe e vau ki te Aliko mo tou fakalavelave kae a koe ko filifili ke fakalogo koe kia ia, e tuku ne ia te manumalo kia koe. Telala, te fakamalosiga ko koe ke filifili ne koe o fakalogo ki te Aliko ko te mea ke tuku atu kia koe te manumalo i sose fakalavelave e fakafesagai mo koe.

Fuaiupu Tauloto: Ioane 3:17 “Mene se ki uga mai ne te Atua tena tama o fakamasino te lalolagi kae o fakaola te lalolagi”

Pese: Good News to all the World/ One step at a time/ Trust and Obey

Talosaga:

Iesu, fesoasoani mai kia matou fanau ke filifili ke fakalogo matou kia koe i omotou olaga katoa, Amene.

FAKAMATALAGA O TE FUAIUPU TAULOTO: IOANE 3:17

“Mene seki uga mai ne te Atua tena tama o fakamasino te lalolagi kae